



四照堂樂府詩集目錄

近代曲辭

渡遼水

昔昔鹽

江都宮樂歌

十索 十首

水調歌 五首

入破 七首

堂堂

涼州歌 四首

排遍 二首


太和 五首

伊州歌 五首

入破 五首

排遍 四首

陸州歌 三首



簇拍陸州

石州

蓋羅縫 二首

雙帶子

崑崙子 二首

祓禱曲

上巳樂

穆護砂

思歸樂 二首

金殿樂

胡渭州

戎渾

牆頭花 二首

採桑

楊下採桑

破陣樂

戰勝樂

劔南臣

征步郎

歎疆場

塞姑

水鼓子

婆羅門

浣紗女

鎮西

回紇

長命女

醉公子

一片子

甘州

濮陽女

相府蓮

簇拍相府蓮

離別難

山鷓鴣

山鷓鴣詞

樂府

目

樂世

急樂世

何滿子

清平調

清平調詞

迴波樂

聖時樂

大酺樂

于秋樂

火鳳辭

熱戲樂

春鶯囀

達磨支

如意娘

雨霖鈴

桂花曲

渭城曲

竹枝

四首

楊柳枝

一首

浪淘沙

二首

紇那曲

瀟湘神

拋毬樂

太平樂

昇平樂

金縷衣

鳳歸雲

拜新月

憶江南

三首

宮中調笑

二首

轉應詞

宮中行樂詞

三首

踏歌行

二首

天長地久詞

二首

款乃曲

二首

十二月樂詞

正月

二月

三月

四月

五月

六月

七月

八月

九月

十月

十一月

十二月

閏月

雜謠歌辭

漁父歌

四首

雞鳴歌

吳楚歌

京兆歌

左馮翊歌

扶風歌

李夫人歌

未央才人歌

中山孺子妾歌

臨江王節士歌

行幸甘泉宮歌

烏孫公主歌

驪駒歌

雜離歌

廣川王歌

黃鵠歌

黃門倡歌

五憶歌

囑土歌

司馬將軍歌

鄭櫻桃歌

蘇小小歌

河中之水歌

勞歌

白日歌

雲歌

一旦歌

淫豫歌

巴東三峽歌

挾琴歌

勅勒歌

東征歌

得體歌

得寶歌

古歌

黃曇子歌

邳鄆郭公歌

獨酌謠

大麥行

新樂府辭

新曲

湘川新曲 二首

小曲新詞 二首

公子行

將軍行

老將行

燕支行

桃源行

春女行

洛陽女兒行

扶風曲 二首

笑歌行

江夏行

橫江詞

二首

靜夜思

黃葛篇

采葛行

祖龍行

鄴都引

孟門行

邯鄲宮人怨

吳宮怨

青樓曲

中流曲

聖壽無疆詞

朝元引

平蕃曲

二首

悲青坂

哀江頭

哀王孫

悲陳陶

兵車行

來從竇車騎行

憶長安曲

九曲詞

情人玉清歌

湘絃怨

促促曲

樓上女兒曲

青青水中蒲

塞上曲

塞下曲

交河塞下曲

汾陰行

大梁行

洛陽行

田家行

思遠人

四鼎堂
憶遠曲

望遠曲

夫遠征

寄遠曲

征婦怨

二首

織婦詞

織錦曲

擣衣曲

送衣曲

寄衣曲

二首

淮陰行

二首

秦娘歌

更衣曲

視刀環歌

堤上行

競渡曲

沓潮歌

北邙行

野田行

斜路行

雉將雛

長安羈旅行

羈旅行

求仙曲

結愛曲

節婦吟

楚宮行

山頭鹿

各東西

二首

湘江曲

雀飛多

夢上天

君莫非

田頭狐兔行

人道短

苦樂相倚曲

捉捕歌

採珠行

平戎辭

望春辭

思君恩

漢苑行

燒香曲

房中曲

樓上曲

湖中曲

春懷引

靜女春曙曲

白虎行

月漉漉篇

黃頭郎

倚瑟行

江南別

系樂府十二首

并序

思太古

隴上歎

頌彞臣

賤士吟

款乃曲

貧婦詞

去鄉悲

壽翁興

農臣怨

謝天龜

古遺歎

下客謠

補樂歌十首

并府

六英

網罟

豐年

雲門

九淵

蘇樂五莖

六英

咸池

大韶

大夏

大濩

補九夏歌九首

王夏

肆夏

昭夏

納夏

章夏

齋夏

族夏

械夏

鷺夏

新樂府十三首

并序

上陽白髮人

華原磬

五絃彈

西涼伎

法曲

馴犀

立部伎

驃國樂

胡旋女

蠻子朝

縛戎人

陰山道

八駿圖

新樂府

七德舞

二王後

海漫漫

新豐折臂翁

太行路

司天臺

捕蝗

昆明春水滿

城鹽利

道州民

驪宮高

百鍊鏡

青石

兩朱閣

澗底松

牡丹芳

紅線毯

杜陵叟

繚綾

賣炭翁

母別子

時世妝

李夫人

陵園妾

鹽商婦

杏為梁

井底引銀瓶

官牛

紫毫筆

隋堤柳

草茫茫

古塚狐

黑潭龍

天可度

秦吉了

鷓九劍

采詩官

樂府倚曲 有序

漢王迎春辭

夜宴謠

蓮浦謠

遐水謠

曉仙謠

水仙謠

東峯歌

鰲魚歌

生禱屏風歌

湘宮人歌

太液池歌

鷄鳴埭歌

雉場歌

東郊行

春野行

吳苑行

塞寒行

臺城曉朝曲

走馬樓三更曲

春曉曲

惜春詞

春愁曲

春洲曲

晚歸曲

湘東宴曲

照影曲

樂府舞衣曲

故城曲

蘭塘辭

礫礫辭

昆明池水辭

獵騎辭

樂府雜詠

雙吹管

東飛鳧

花成子

月成弦

孤獨怨

金吾子

正樂府

卒妻怨

橡媪歎

貪官怨

農父謠

路臣恨

賤貢士

借義烏

誚虛器

哀隴民

四照堂樂府詩集目錄

四照堂樂府詩集卷下

楚斬盧

紘元度父著

近代曲辭

渡遼水

隋帝從征百萬師朔風吹淚洒江湄廣陵夜月濤千丈尚帶遊魂哭遠離

昔昔鹽

用隋薛吏部原韻

春日眺長堤纖纖弱柳齊草迷歸客路水浸落花蹊自奉從戎詔幾忘燕婉妻塞霜驚絕漠夜月隱空閨

團鏡稀臨照輕羅暗掩啼鶯調乘院寂燕入趁簾低
不寐愁聞漏孤眠倦聽雞夢回虛渡隴關隔似封泥
望斗偏懸北尋河漫向西樓頭空有盼那見踏塵蹄
江都宮樂歌 用隋煬帝原韻
浮生幻影幾堪留樂地隨時自趁遊明月可憐偏照
夜垂楊無力不勝秋飛濤亂捲驚閒鶴芳樹叢開過
錦驕但得烟花常似舊何須憑弔憶揚州

十索

十首并序

十索樂府類涉淫詞殊失性情之正風雅道

垂爲鎮重其辭聊以云救

其一

君自遠鄉歸相見不如初顏色非枯槁行程自曠疎
寄問空頻數從君索舊書

其二

漫引寒砧淚頻年望不歸君今歸故里裘馬自光輝
冷煖誰關切從君索舊衣

其三

軍行花帽麗手自爲君彈新沫蟬聯寵前貂不記寒

盛飾憑移換從君索舊冠

其四

驩逢相聚久忽作遠行人車尚未登路颶風已起塵
此後無窮淚從君索拭巾

其五

臨別陳樽酒徘徊不盡卮君方懷壯志妾豈怨初離
但有歸鄉日從君索定期

其六

曾記于歸日雙環我飾儀爲君輕解脫永矢更無移

別後能相憶從君索贈持

其七

初適爲君婦相期入室安妾懸雙紐結君束錦雲鞶
欲得同心歸從君索佩蘭

其八

空慚淑女名好逑適君子主鬯自有歸宜陪宗室祀
蘋蘩矢肅將從君索釜錡

其九

方調琴瑟御永慶室家宜菽水有將順諸婦樂與隨

四照堂 卷下 三
洒掃所職事從君索帚箕

其十

婦道無他善惟工治紝良正當風日美承命采柔桑
空手將何適從君索懿筐

水調歌

五首並用唐曲原韵

第一

河水潺潺下隴西千山日落暮雲低驚傳牧馬連營
入天子空勞夜聽鼙

第二

何事邊城怨最多征袍堆雪夜橫戈纔驚千里歸鄉
夢又聽淒然笛裡歌

第三

春郊隨意踏車輪翻怪浮名悞此身處處紅樓堪臥
醉蹊邊芳草最憐人

第四

砧聲方急雁橫秋蕭瑟偏添閨婦愁聞道關河波漸
減寧知傾向枕邊流

第五

四照堂
卷下
四
爲愛溪蘭好移分綠鬢香無嫌顏色減淡素最宜粧
入破 七首

其一

龍沙河畔水流長萬里風烟日色荒戍老邊城殊不
恨誓將朽骨報君王 新韻

其二

黃沙盡捲逐烟飛久戍征人憶寄衣但得未央能報
捷可希恩許故鄉歸 原韻

其三

參差雁影隴頭紛相逐迴翔幾片雲更有離羣聲最
切哀鳴夜半不堪聞 原韻

其四

樂部承恩賜錦章長安盛倍古咸陽只愁纔報西宮
宴學士徘徊立玉堂 原韻

其五

因盼人歸日上樓林花落盡泛溪流關山終斷無消
息風雨重添一段愁 第四

三千爲其六

三千紅粉日隨朝誰辨宮中有楚腰甘退長門孤對
影讓他輕羽上層霄 第五

其七 第六

春院沉沉閉無因接夢魂能爲巫峽雨不慮隔重門

堂堂

按節聽堂堂遶筵銀燭流輝光歌兒取次奏霓裳一
聲響徹落塵梁明月漸沉星影荒蛾眉欲蹙損紅粧
嘉賓起謝立傍徨金樽倒盡不勝觴幸少留歡樂未
央

涼州歌

四首
宮調

其一

御溝浮出上林花何異仙源別一家聞道帝京春較
早可能分煖到流沙

其二

西羌八月早霜天萬里寒沙月隱烟長角吹殘烽火
靜河流東去自涓涓

其三

朔地寒冰合交河不肯流誰知蕭瑟意早已結閨愁

何事邊城草年年生意微
祗因愁牧馬不記送人歸

排遍 二首

秋空一望正蕭蕭
塞草初枯馬更驕
馳驟平原偏得意
仰身一發落雙鵬

又

重樓歌罷傳宮箭
合殿簾開報捷書
賜宴將軍方沐寵
從征戰士幾存餘

大和 五首

羽調

第一

皇都春暖百芳開
行幸親迎御輦來
原許賜酺人共樂
醉呼滿路不須猜

第二

花隊清喉疑百轉
閒調何異上林鶯
總爲年豐原有兆
聽來都是太平聲

第三

鳴鳩喚雨頻相逐
巢燕脚泥每見雙
如何只有閨中婦
獨自含顰對小窓

天家已許結和親
節賜皇華送使臣
楊柳莫愁羌笛
怨而今關塞盡回春

第五徹

筦奏絃調遍地歌
風恬日煖總雍和
靈圖已報千年
曆何俟封人更祝多

伊州歌

五首
商調

第一

征人見月漫思家
幾度濃霜點鬢華
戍老終無相代

日寄書空問故園瓜

第二

旌旗雲擁報宸遊
影入河津映碧流
草木一時新換
色果然天上見皇州

第三

何獨關山月偏懸
萬里愁祇因孤照
夜易惹淚頻流

第四

同臥沙場侶
心情總不關
曉交纔入夢
分道各馳還

第五

聞道寒沙地曾經繪御屏君王如有意刻刻見邊庭
入破 五首

第一

邊城四月柳垂絲曾見征人一展眉莫道寒沙皆苦
調不堪收採入宮詞

第二

地北天南一樣春皇都景物倍疑新要知歌舞懽遊
處不見冰霜久戍人

第三

防秋夜夜戍樓呼萬里霜天一月孤羽檄時乘飛騎
去可能傳到九重無

第四

閨婦登樓望經年未解顰倚欄終不語多是憶邊人
第五

塞馬初肥日秋原屢合圍角傳還舊隊暫認作家歸
排遍四首

懽逢無幾日悵別輒經年轉瞬鶯花老愁看鴻雁天
第二

四照堂 卷下 九
景物當秋夜添愁分外多砧聲纔趁月雁影又橫河
第三

靜夜寒燈照孤幃坐寂寥誰云天路近咫尺隔重霄
第四

寒月流孤影愁人兩地分祗憐砧韻苦絕塞未曾聞
陸州歌 三首

千里雄都舊山河並遶西鷄鳴逃夜半莫漫說封泥
第二

結駟空營逐何如故里閒白雲分臥榻明月待溪灣
第三

每憶皇都勝絃歌日夜紛聲雖繚緲接終是隔重雲
簇拍陸州

寒霜萬里肅邊秋久戍征人易白頭河水可傳鄉信
去報音難望再回流

石州

匹馬從征萬里餘經年故國滯音書夢杳歸鄉路痕
侵掩淚裾寒霜連塞白孤月隱窓虛安得登壇將烟
烽盡掃除

蓋羅縫 二首

關山一望雪漫漫塞馬頻嘶亦畏寒
正待隴梅傳煖到却愁笛裏又吹殘

又

胡姬馳馬看燕支頭上盤籠金絡絲
邊士莫誇閨婦少幾能踏草趁春時

雙帶子

非關輕薄君無行還怨孤零妾命慳
但在纏綿辛苦意求憐原不爲朱顏

崑崙子

海嶠千蟠木河源萬里槎世人多不信
貽誚井中蛙又

日月雙丸度流光眼底新學仙非夙分
徒誤問津人袂袂曲

上巳樂

士女羣趨逐喧聞河水濱袂除今日事
弔古爲何人畫舫輕橈出柳堤頻催簫鼓
過橋西樓頭喧笑爭看者袖拂欄杆手似
萸

穆護砂

嶺上梅開早衝寒色更新殷勤聊折寄江北恐無春

思歸樂

二首

南國鶯花盛春來滿眼新相携行樂者幾是故鄉人

又

木葉初搖落橫空雁復斜秋聲驚旅客千里悵無家

金殿樂

城高依斗見殿迴傍雲開也自聞征雁知從絕漠來

胡渭州

濛濛烟雨集春江鷗鷺隨波各自雙旅客孤舟何處

泊可能寄夢到幽窗

戎渾

萬里寒沙地千營夜火明傳烽知有警壁壘靜無聲

墻頭花

二首

木葉動秋聲寒光沉夜影蛩哀却爲誰唧唧聲如哽

又

經旬鏡不開非爲防塵掩怕見此中人相對愁蛾歛

採桑子

借問桑間女胡爲只獨行自言夫久出十載事從征
飛將今方出烽烟計日平聖朝恩澤遠編戶藉生成
楊下採桑

桑葉可飼蠶垂楊空映水雖有千條長難繫蕩遊子
破陣樂

馬出重關似錦飛天邊曉日照戎衣功成凱奏隨鉦
鼓還笑封侯白首歸

戰勝樂

聖主如神畧將軍百戰威至今沙漠北無復戰塵飛

劔南臣

豈怨君恩薄徒憐玉貌墮江南春易盡蜀鳥夜偏哀
一瞬銷歌舞重臺委燼灰離魂終不隔頻向故宮迴

征步郎

風起沙塵動從征出玉門十年辭故國一劔報君恩
歎疆場

塞姑

久戰多辛苦歸來滿面塵更添頭上白乍見認難真
歲歲防秋檄至丁男催發從征荒草日添白骨何須

更壘邊城
水鼓子

日暮雕旗影暗斜
西風驟起障黃沙
不堪雪積頻嘶
馬况復寒吹又入笳

婆羅門

雲藏仙闕依稀見
舞引霓裳次第來
傳語勝遊當此
日普天笑口暫宜開

浣紗女

日煖漾晴沙
風輕舞燕斜
歸從溪水畔
妬殺道傍花

鎮西

關山日落起飛塵
牧馬千羣夜渡津
邊檄但聞催守
戍故鄉能見幾歸人

回紇

從征歲歲望無還
閨中日覺減朱顏
擣盡寒霜衣遠
寄到時尚帶淚痕
斑相思雖有夢往來能越幾重山

長命女

春雨梨花夜深閉
靜掩門暗風搖燭影相對坐黃昏

醉公子

紫陌春風滿携來花下觴醉歸全不記但覺甕頭香
一片子

月照關山白寒霜萬里清空虛籠素影望裏未分明
甘州

征雁過樓頭黃河遶北流縱然無信寄來却自甘州
濮陽女

月影移庭樹猶憐人未眠乍驚清冷候早及雁鴻天
相府蓮

亦名想夫憐

本爲芳姿勝相携入幕中豈因分盼睐香艷但隨風

簇拍相府蓮

燕好思初愛何殊琴瑟調紅顏非有謝弱骨暗疑消
强笑無關樂多愁益掩嬌孤幃空寂守坐對燭光搖

離別難

臨別難爲再見期愁懷萬結只心知河邊無限東流
水傾與離人作淚垂

山鷓鴣

日暮鷓鴣啼哀聲出竹裏禽鳥本無知似弔湘流水

山鷓鴣詞

淚盡瀟湘萬竹枯
朦朧烟水鎖秋湖
行人正苦歸思
急那復山前聽鷓鴣

樂世

一日綠腰卽綠要也

會記琵琶江上聞
綠腰宛轉過行雲
祇因世上知音
少相對舟中淚落紛

急樂世

絕代佳人不易逢
感酬知己願追從
誰知放逐江湖
日同作蓬飄無處容

何滿子

歌喉一轉一聲哀
知出愁腸幾百迴
聽罷旁人都淚
落九天可幸有春來

清平調

名花濯雨露新粧
夜傍欄杆送暗香
嬌艷原非妃子
敵那將恩寵與君王

清平調詞

別院離宮常貯春
琪花寶樹四時新
果然盜得長生
藥方可畱他似玉人

迴波樂

樂府

新詞疊疊引迴波曲罷愁生且奈何知得老成深意
在空慚侍宴受恩多

聖時樂
白雉來重譯爭陳王會圖會聞封太室山獻萬年呼
大酺樂

勝日陽敷煖天恩詔賜酺臣工嘉燕喜歌頌接康衢
野老羣呼逐村醪不用沽更添花共鳥繪作太平圖
千秋樂
節屆千秋寶鏡懸萬方歌頌祝堯天蚌胎漸減光疑

歛兔影重肥魄更圓

火鳳辭

淡粧呈素影妙曲吐清喉音上雲爲駐塵飛韻復留
絃調舒促拍技絕壓筵篴選入承恩賜釵橫綠鬢頭
熱戲樂
隊引幢迴百尺竿狂呼譟舞步躑躅內人喚出方搖
折依舊君王未減歡

春鶯囀

春晴百囀引笙簧遙見金衣宿綠楊恰報西宮初睡

起好傳樂部整新裳

達磨支

開皇當代稱英武手撐天柱恢疆土不愛輕盈似柳
腰偏教仗馬啣杯舞君不見輝萼樓前放百花果然
連理出天家如何更有金錢賜引得漁陽羯鼓搥驕
奢太盛應消滅塵起長安似飛雪猶向池邊哭海青
斑斑誰認當時血

如意娘

自選春宮備掖房蛾眉盡覺損紅粧應知天聖恩難
測未許蓮花勝六郎

雨霖鈴

秦隴陰連蜀道長烟籠萬木望蒼蒼哀聲欲托啼鶻
切喚得離魂返故鄉

桂華曲

芳華原植自天公翻落人間對晚風應是根株經歲
老故將繁盛讓新叢

渭城曲

蘇卿古誼重如山萬里離人尚憶還卮酒重傾非爲

別囑君常記有鄉關里人尚說蜀山重到非爲

竹枝 四首本巴歛也近多作吳聲仍從巴調

其一

江下瞿塘盡急流舟人灩澦不回頭江陵瞬刻知方
到何處猿聲可記愁

其二

路經峽口見高峯神女祠藏第幾重好夢由來都是
幻縱然有遇莫輕容

其三

峨嶂雪盡水初生萬頃波滌白帝城流到洞庭雖漸
濶源頭不及蜀江清

其四

鵲化相傳望帝魂哀聲最切是黃昏郎今纔買荆襄
棹那忍枝頭看血痕

楊柳枝 二首

樓上佳人白玉顏更添輕抹黛如山臨風自覺枝枝
軟何獨堪憐是小蠻

又盡含顰

如睂何事盡含顰却爲烟籠不放春縱有輕柔誰得
見關情最是楚宮人

浪淘沙

二首

秋江落日漾晴沙萬疊金波映彩霞誰識蘆花深靜
處漁人隨艇便爲家

濁浪如山怒捲來陰風鎮日不容開輕沙久付波流
逐任湧東西到處堆

紇那曲

佇聽紇那歌渟洞池上波晚風吹菡萏明月上藤蘿

瀟湘神

孤祠望隔九疑山淚盡湘江竹上斑每到烟波秋月
夜往來常在有無間

拋毬樂

歌笑趁春風追携別院同毬塲開樹底團綉落花叢
深夜無辭醉新翻曲更工

太平樂

泰象平階日懽歌滿道欣豐年雖足樂聖主正憂勤

昇平樂

盛際當陽日同文制化遙野恬耕鑿適威覃甲兵銷
雉貢箴無逸雞鳴傲視朝縱無憂袞闕須補借羣僚
金縷衣
舞隊班班簇錦衣筵前暗逐綵雲飛輝煌本出天孫
織却得承恩馬送歸

鳳歸雲

秦臺遙望憶簫聲比翼雙飛入帝城莫怪九霄成寂
響凡踪未許問仙程

拜新月

新月掛樓頭纖纖似玉鈎嫦娥何處宿寄語說心愁

憶江南

三首

江南水處處引東流春雨紅霏桃葉渡秋風白湧菰
花洲何處送歸舟

又

江南柳搖拽幾千條烟水五湖迷范艇芳華十里障
蘇橋空見浙江潮

又

江南草春日競遊行曲曲桺堤頻繫馬深深花巷暗啼鶯何處不關情

宮中調笑 二首

堦草堦草空伴玉顏人老朝朝燕子飛來不見愁容
笑開開笑開笑夢聽君王有召

又

溝水溝水流出昭陽宮裡涓涓夜聽無聲風送花飛
落輕輕落輕輕落那禁經春消索

轉應詞

樽酒樽酒贈別殷勤折柳今朝握手河濱瞬息天涯
遠人人遠人遠何日征輪重返

宮中行樂詞 三首

密桺迎天仗傳呼御輦過院藏春晝永風引笑聲多
選伎徵絃管開箱賜綺羅承明初入侍檢點試新歌

又

禁籞圍深地清宵足勝遊晴雲舒殿角明月上簾鉤
花底初迴騎池邊正艤舟君王殊未倦衣引露光浮

御道馳香輦金莖捧玉盤明珠常照夜深禁不知寒
選伎陳天樂徵庖出大官窮簷愁向者那識至尊歡
踏歌行 二首
歌出花叢逐隊來花飛滿徑自成堆枝頭囑莫輕搖
落好趁春風舞袖迴

又

春到芳堤草自生堤邊處處稱遊行阿誰研破東西
路惹得風吹鞦韆滿塵

天長地久詞

北陸陽回遍地新和風散作六宮春但令萬歲常無
恙甘作長門守寂人

又

金殿傳呼賜錦衣九天爭羨綵雲飛夜來喜得邊庭
信牧馬千羣已遁歸

欸乃曲

二首曲始元道州余任粵西曾過其地篙師之苦所目擊也故仍存元意

聊以自况云

遠近呼聲滿急灘迎流挽上似天難至今不盡湘妃
淚化作浯溪夜雨寒

零陵遙望九疑雲江上孤舟滯使君來往深情誰解
得但呼舟子問辛勤

十二月樂詞 十三首倣李賀體并用原韻

條風乍轉寒初歸和融布暖日方遲庭草回綠水呈
姿柔風動柳漸成絲繡帷晨展猶驚冷晴暉已透窓
含暝寒梅遠信空寄折闥閣愁人心尚結

右正月

雪盡流水漲河津芳堤草鋪色照人幽蘭滿澤風微

薰啣泥新燕亦知春何事長門獨掩塵天高鳥影隨
孤雲腰圍漸減鬆羅裙朝朝目送湘江水夢斷魂消
爲君死

右二月

風催落花欲送春啼鶯不管愁殺人深閨午睡初扶
起簾捲遙見溪流水眼前迢隔疑千里日暮紅塵高
覆地宮粧隨意蛾眉淺羅衣初試宜輕煖聞道浣花
人自歸那見飄飛滿深苑

右三月

四照堂
卷一
綠槐新陰覆濃蓋楊花飛繞閒庭外獸爐烟細覺微
盪怕聽啼鶉晝掩門如錢初見浮漣漪乳燕輕翼隨
波飛時高忽下影疑差

右四月

畫鼓喧池上艾葉懸重門新浴試蘭水團扇掩花文
別有清涼室壁映藤蘿綠簷鳥下飛翔窺見盤中粟
舞輕羅吹短竹絃引薰風潤肌玉冰輪初上金波開
捲簾相對意徘徊荷香暗逐歌聲來

右五月

星光初帶冷月影半沉園鵲橋占漢末禱乞趨庭園
雲章如可市豈愛青蚨錢曾有泛槎客親歷牛斗寒
纔知天上事也許世人干

右六月

蟋蟀鳴清夜千里幾思家菟縈道上絲桂落空中花
雲際鏡光吐忽隨漢影斜芙蓉有剩姿祗伴將零荷

右七月

右八月

嚴霜乍凌寒若水堤楊凋落枯疑死閨婦含愁心脉

四州堂
卷下
三
豚開戶方驚地上白西風吹斷關山草歸客那尋故
鄉道疎窓蕩影透朝聰空堦颯颯墜梧桐

右九月

悽悽淚引雙流傾終宵靜對孤燈明晚風暗入動帷
幕雁聲嘹嘹渡前閣天涯何處伴愁眠衣寄離人可
耐寒空教日日憶刀環

右十月

高峯白凝送遙光孤松秀挺振孤芳寒爐深閣正呼
酒義同兕觥介眉壽上衣方進羔羊裘僻谷誰信無

陽處

右十一月

和氣融膏將欲灑疎梅漸次舒簷下寒威已盡不知
嚴更漏幸緩催除夜

右十二月

續離光衍泰時氣候重借雙丸推金烏叠逐兔影飛
歲月雖寬不覺遲天上火龍欲哺子故囑造父暫紆
轡

右閏月

雜謠歌辭

漁父歌 四首

青草湖邊水漸生
烟波來往一舟輕
寒照影急篙聲
風雨時來總不驚

又

南浦芳連杜若洲
沙邊閒立兩三鷗
明月上晚霞收
正堪持釣向中流

又

西風陣陣捲蘆花
小艇孤蓬到處家
炊秫飯採蓴芽

鱸魚換酒不須賒

又

千崖積雪一舟孤
鳥落空江影若無
篔簹敝釣竿枯
好與人間作畫圖

雞鳴歌

明星方爛雞初號
一聲上徹隨雲高
丙夜纔催丁漏
下天風再鼓籠中毛
晨光未吐東方明
已報三號徹
帝城警蹕遙呼龍
御出鷄趨取次花
間行天地方交
帝道光瑞徵
五采被文章
太平有象幾
先得誰信天

雞卽鳳凰

吳楚歌

千里春江一掌平
東風正起夜潮生
行人莫嘆鄉關異
芳草垂楊到處情

京兆歌

帝京鬱起重關裏
前對華峯環渭水
萬國遙瞻輦轂尊
首列維藩奠天子
禁籞猶傳赫赫風
地嚴三輔古今同
世人但笑張京兆
曾染蛾眉學畫工

左馮翊歌

未央開廣殿
昆明浚深池
王氣擁神京
奧區衍邦基
青門隱種瓜
商山歌采芝
故老述遺風
猶是武宣時

扶風歌

天都接雁門
右擁扶風郡
自昔失和親
頻警烽烟近
都護初出關
萬里天威奮
六郡舊良家
至今猶可問

李夫人歌

非關來尚遲
人鬼終異類
爲眷天子恩
聊作影響示

未央才人歌

承恩入未央
本列小星行
脫簪非所職
舞燕羞競長

每至雞鳴時整衣立徬徨

中山孺子妾歌

中山孺子妾何幸獨蒙恩總爲賢王媵天潢誼篤昆
芳名採入陽春曲頓使寒灰忽帶溫多少可憐憔悴
色終年寂寂鎖長門

臨江王節士歌

北有推甘焚死南有屈沈湘水至今寒食尚無烟競
渡歌聲連浦起臨江節士伊何人獨無名姓傳青史
慷慨都如古烈風一身何惜酬知己

行幸甘泉宮歌

避暑離宮百尺臺清虛自覺勝蓬萊徒人馬上方催
獵漫信能容獻賦才

烏孫公主歌

王宮應選嫁烏孫萬里塵烟出玉門白首單于漿酪
飯暗揮冷淚幾黃昏

驪駒歌

別酒唱驪歌看君欲渡河前途方日落殘照正無多

雜離歌

落花辭故枝飄揚逐水湄故枝原不改花落返無期
惟有陽關曲殷勤贈別離

廣川王歌

深宮潛毒深恩絕沉幽恨千古未銷魂烟迷春草蔓
廣川莫愁歌地下空留勸至今永巷中禁閉何勝怨

黃鵠歌

黃鵠有高志胡爲集深池雲霄偶失羣下與鷄鶩隨
鴟張肆搏擊能無傷羽儀莫戀嘉瑞名徒爲世網罹

黃門倡歌

君王聖體肥偏宜舞燕飛承恩備鼓吹幸不棄輕微
歌舞不相讓同日沐光輝

五噫歌

高士沉淪兮噫瞻望闕庭兮噫萬里迢隔兮噫孤衷
莫鑿兮噫甘委泥沙兮噫

隴上歌

將軍戰却神猶壯英風至今留隴上左持鋼刀輪雪
花右執蛇矛長二丈馬上如飛怒氣騰雙睛掣電光
流蕩縱使肝腦塗荒原傳與戎人膽欲喪

將軍長劔參天立轉戰風雲變呼吸一淨塵沙萬里
餘玉關列騎揚歌入天子臨軒親勞動凌烟閣上待
將軍封侯莫恨頭先白絕塞生還古罕聞

鄭櫻桃歌

毒藏螫尾利如刀讒傷雙頰輕毛朱顏甜味心叵
測佳名漫許稱櫻桃石家小雛真類虎能教河北沉
荒土正恐耽耽更有人將並櫻桃甜作苦

蘇小小歌

西陵松柏自青青湖上澄波接渺冥猶記同心相結
處祇留荒草露珠零

河中之水歌

河中之水流湯湯誰信河東卽洛陽自古名都豪貴
地紅樓翠閣煖生香春日方融稱勝遊美人遙望在
樓頭但教目送猶心死况復鴛鴦結共綢

勞歌

大塊勞我生役役無所休方罹世網中俯仰不自由
嗒然其若喪夢寢皆煩憂倏忽百年間霜絲已在頭

誠悟知止理至樂在林丘既已反天真形外復何求
白日歌
旭影方升忽焉昇離空眺扶桑莫問咸池魯陽戈鈍
夸父足疲會無停假使我傷悲

雲歌

會聞卿雲歌方爲聖瑞揚膚寸既有合蜚潤灑八荒
胡爲從龍物類狗色成蒼尚有占望臺能辨災與祥

一旦歌

衰命委一旦岌岌須臾間退已失所據進亦無可攀

仰呼莫上聞徒悲天路難權衡自有司一轉如輕環

淫豫歌

卽灑預也

六月下瞿塘砢呀波底藏長年莫自恃暗觸更須防
巴東三峽歌

道經三峽裡崖木鬱幽深處處啼猿急偏傷旅客心
挾琴歌

扶琴向君彈君思有百端鴟絃不再續玉柱得常安
鳳已獲凰配無勞更鼓翰

勅勒歌

勅勒遶陰山寒流日夜潺沙堆壅馬足雪片透刀環
戰苦關河外天遙斗漢間將軍空慰勞何日故鄉還

東征歌 王通作也

天子方營仁壽宮又傳師旅會征東文中弟子龍門
客何自能高處士風

得體歌

相傳得體歌舟人自唱和寬衫吳楚製搖拽出輕波
試較開元日風流勝幾多

得寶歌

相傳得寶歌楊枝羨猗那春睡消紅玉香風透紵羅
只愁聞羯鼓狼狽棄荒坡

古歌 倣唐沈詹事體并用原韻

高湧齊雲百尺臺門鄰閭闔曉天開漏壺三滴金雞
唱御輦遙瞻彩鳳迴皇都自古多春色院柳林花隨
意得深宮獨怪晝偏長暗窺寶鏡惜容光羊車久隔
長門路蘭紉空薰別院香愁夢頻驚羅帳冷寧堪夜
斷幾回腸

黃曇子歌

誰爲賢刺史但飲江流水能令荊州安不歌黃覃子
邯鄲郭公歌

邯鄲之東漳水長荒臺寂寞憐分香日落塵沙障天
起陰風吹作雲蒼蒼歌聲纔歇寒鴉叫頃刻桑田化
望洋機心費盡歸何處徒笑當年傀儡塲

獨酌謠

獨酌謠一酌未盡燭光消北來軍聲雖甚壯且囑緩
渡須來朝庭花一任隨風落那見芳華常不凋

大麥行

小麥青時大麥黃農人漫與獲登塲門前有吏聲如
虎數歲逋徵責並償縱使丘山皆化粟那堪通體盡
成瘡哀哀寡婦空聞哭稊穗何人棄道傍

新樂府辭

新曲

春蹊處處桃李開春城面面起樓臺池塘過雨平橋
渡燕子啣泥入幕來閨榻乍回千里夢爐烟尚隱未
寒灰無緣羅帶重爲結祗愧琴心妄自媒不信天涯
終斷雁但疑粧鏡日生埃夜長正苦愁難寐那禁啼

鵬更送哀

寒風湘川新曲

二首

採菱溪上女來往湘江水停漿看鴛鴦飛飛隨舊侶
祗恨湘夫人不見虞天子

又

八月湘水平搖搖一棹輕衡雲沉雁影楚畹惜蘭英
偏是千竿竹常留夜雨聲

小曲新詞

二首

春殿凝晴靄流鶯出上林但知忘日永何處測恩深

又

聖主因寒至宮人盡賜衣到身殊覺煖寧復畏霜威

公子行

貴游裘馬何翩翩朝朝馳逐垂楊前流水自疑隨路
轉飛花亦似傍人旋莫愁日落沉西谷青樓處處堪
畱宿倒盡金罇醉復醒夜長一任吹絲竹况復雄談
義氣深不難立刻解千金縱云邂逅成知己非比尋
常然諾侵只愁興盡人隨老交游散去門如掃還憶
當年豪盛時消沉往事無人道

將軍行

昔有飛將軍嚴開細柳營天子親往勞猶爲按轡行
果然師旅從天下六國兵解歸神京宜綿絳侯百代
祀相繼逮獄繫長纓自古功成固難處何獨淮陰就
狗烹神龍洵許郭令公藏用不測全身名

老將行

如山不動占軍紀師行罕見飛塵起宿將曾推廉頗
能休疑一飯三遺矢漢文徒然嘆拊髀將老雲中尚
不知可憐充國惟自薦未到金城猶復疑莫怪無功
封不及圖繪麒麟自昭熠如何猶有燕頷人玉關仍
待白頭入每遇風沙古戰場英雄多少骨如霜身能
報效何辭死不比嬰兒哭國殤

燕支行

天將雄飛出玉門旌旗環擁似雲屯傳聞萬騎皆宵
遁追渡黃河直抵源威聲旣覃窮邊北親繫單于請
屬國直上燕支勒石還那顧婦女無顏色

桃源行

五柳先生逢晉季不願折腰從吏仕宅旁堪芸作秫

田三徑更餘松菊地呼酒聊對五男嬉俗客不來堪
引避自比羲皇世上人寓言故托桃源記今人遂認
作仙求反笑漁郎誤放舟從來避世多高隱處處深
山別一丘衣冠素朴仍存古不比尋常耕鑿儔愚迷
不悔羈塵網只怪桃花水不流

春女行

誰家少女獨登樓見人掩面猶含羞閨中不知春色
好捲簾方見柳條柔楊柳迎風似有情道旁搖拽爲
何人細腰料得輕相似偏掩重門不見春豈因登望
漫牽思桃李芳華各有時縱使王孫頻繫馬難言遙
見卽相知空閨自慣老朱顏多少征人盼不還况是
韶年猶有待莫教遽損黛如山

洛陽女兒行

洛陽城外千蹊花洛陽城中豪貴家樓上女兒相顧
笑金釵橫壓綠雲斜閒遊多少繁華子遙寄相思情
欲死癡夢猶將作美談况經肌玉親偎倚曾記陳思
賦洛神風流原爲眼前人若堪買笑隨歌舞何惜黃
金棄土塵冶容莫漫驕春色似水韶華寧再得昨日

香閣如玉人今朝白骨荒郊側

扶風曲 二首

選入承明殿初隨侍宴班未曾工色笑尚自帶羞顏
幸沐君王顧呼前賜玉環

又

翠閣連花仗春陰覆不開日高人未起粧靜鳥頻催
恐是徵歌舞倉皇夢裡回

笑歌行

古今一笑裡世事變滄桑多少英雄氣全銷名利場

名利場中愁萬堆奔馳幾得笑容開荆軻擊筑悲歌
去賈誼懷沙弔古來捐軀竟爲何人死氣運何勞爭
不已事既無成身且頽浮名空托東流水顛狂尤怪
阮生癡直到窮途哭已遲纔識醉鄉天地濶任舒長
嘯醒來時

江夏行

黃鵠磯前江水流萋萋芳草接平疇漢陽檣影如林
立每日江頭送客舟客舟遙向揚州去片帆停宿知
何處聞說揚州最勝遊期約歸來無定據朝朝少婦

望江干思緒紛隨道路漫春水纔生旋復涸楓林葉
捲朔風寒但憐作婦從商賈經年獨受空閨苦寄語
豪華總漫遊何如貧淡歸鄉土

橫江詞 二首

舟下潯陽望小孤茫茫江水接鄱湖行人方道驚心
處過此風波何地無

又

風濤遙撼是天門未到天門氣已吞似葉一身隨去
住蛟龍何事怒如蹲

靜夜思

客裡愁千緒何堪靜夜思迢迢千里意明月到窓時

黃葛篇

黃葛復黃葛縷縷手中脫葛生方蔓時提筐親採掇
繁成比髮輕織就裁衣濶欲寄同心人遙遙在天末
憶葛到身時寒衣已更褐時令雖變更妾心無阻越
葛終有用時當夏宜輕豁見葛與妾同寧禁中情但
願保百年心無爲寒暑奪

採葛行

葛生漫野相縈結百尺荒藤刺連節村婦持鎌親刈
歸十指割裂泚成血漚向池中類泉蔭緝成絲縷輕
如雪官府年年課上供盛筐直達黃扉闌體透清涼
勝紵羅那知杼軸民膏竭縱有贏餘八口資歲稅應
輸憑算折何堪上下更誅求例輸方產應無缺婦子
家家相向啼還怨葛生遺禍孽但祝重巖僻谷中從
今草木根株絕

祖龍行

秦皇悍鷲古今無倒地翻天獨立孤不借廓清疆宇
淨後來那得享安隅世人但笑祖龍拙萬世難期二
世滅縱然侈大願難符畱得雄談千古說

鄴都引

阿瞞臣節若能堅事業文章儘足傳祇爲欲爭高勝
地身名翻致墮重淵曾過漳水深憐惜不幸適丁災
運厄洛城猝起虎狼爭頓轉忠良作奸逆父兄子弟
騁豪華中路難迴險道車直使聰明都費盡欲空曠
古獨成家計算原非人意及命終不禁流連泣英雄
豈爲兒女牽應悔一敗難收拾

孟門行

黃河灑漭從天上龍門遙過恣流放九曲雖然有折
迴原無險阨當前障方遶華陰歷孟津嶺呀忽起怒
相向頓使安瀾激不平蛟龍疑作奔號狀聞說歸墟
信不遙疇令咫尺偏難望若得神丁盡力驅皇州也
得成清曠

邯鄲宮人怨

邯鄲美女競新粧選入春宮備掖房誰信蛾眉不相
讓何曾一日見君王君王已老紅顏謝散出民間許

從嫁半世消沉華屋中不如生長村農舍

吳宮怨

館娃宮中千樹花姑蘇臺畔日西斜城頭火照笙歌
起醉舞春風映碧紗春光欲盡烟塵漫荒原枯樹啼
鴉亂何處扁舟載美人繁華如舊須臾散

青樓曲

宮車錦簇競春遊何自傷情獨倚樓漫道承恩終有
日長門脚恨已千秋

中流曲

芳蕖迎麗日光艷照人衣漫倚中流棹遲迴不忍歸
聖壽無疆詞

禹服開遐甸堯年集大齡東陽方啓曙南極已占星
呼引嵩疑動根蟠地共寧鳳調青玉律雀御錦雲屏
金鏡元臣頌丹書太府銘不須勤顧問萬國正來庭

朝元引

日照天門寶鑰開繽紛仙仗蹴雲來階平方兆時臨
泰歡引流霞注滿杯

平蕃曲 二首

萬騎傳宵遁無須防渡河受降城上立試聽凱旋歌

又

回紇逞狂驕突犯陰山界聞得令公來下馬驚羅拜
悲青坂

杜陵野老悲青坂全師覆沒天威損原期持重待官
軍督戰中人肆兇狠鼓衰旗偃卒遯逃車輪焚盡無
隻返成功誰任敗者誰戎事輕談嗟已晚

哀江頭

乘閒偶出江頭立父老含悲向余泣家室由來寄水

涯資生篙櫓兼簑笠傳聞東粵正班師旌旗會見如
雲集捆載輓運自須船飛檄聯翩下州邑長吏張皇
苦應酬奸胥喜藉恣吞吸大舶賄營獲遁逃艤猛無
錢盡羅縶此去長途千里遙虎狼相逼呼聲急十百
經年無一歸窮黎那任頻供給聊復欷歔告達官廟
堂何日兵戎戢

哀王孫

王孫裘馬何蹁躑遊騎朝朝南陌前不惜千金沽一
醉歸來豈復問腰纏坐客如雲爭獻笑但異王孫一

盼憐得向追陪花月隊鬚眉欲動覺增妍那信豪華
不自保秦臺梁苑成荒草北邙山下蒿里歌馬鬣塵
封誰代掃縱是才推鄴下雄家聲頽敗無人道恨不
生逢王子喬相隨緱氏學仙早

悲陳陶

杜陵野老悲陳陶丞相無功徒爾勞妄師古法任車
戰人畜擾踏如柔毛數萬生命隨烟燼至今荒野猶
聞號師中長子傳大易書生勿輕寄節旄

兵車行

驚傳下令徵兵車山村野店無寧居丁男健者荷戈
戟老弱並用供轉精剩有二三伶仃婦泣送道上牽
衣裾從戎一去無歸日浪報師班信總虛百里望斷
炊烟絕畦田荒蔓無人鋤閭左相驅赴鋒鏑當樞持
計豈誠疎百年休養民安業不掃欃槍亦自除太平
會有銷兵日何事狂生更上書

來從竇車騎行

致身無長策聊從車騎軍車騎本貴盛烜勢朝野聞
雖爲帳下卒相望泥與雲隨鐙出邊塞脚枚渡河汾

傳警烽四起防秋草盡焚夜臥寒沙地朝衝瘴霧氛
生死終莫必魍魅與爲羣道逢賑邊使萬里馳詔文
方知絕徼苦憂心關聖君如何師中帥獨無甘苦分
若能生感激誰不勉功勳

憶長安曲

見日憶長安何曾心在日旣已見日光那分地疎密
黃河萬里下龍門聞道崑崙更有源不是波流多曲
轉也應容易見天孫

轉世歌 情人玉清歌

驅車曾訪洛陽城昔有麗人名玉清肌膚白潤光瑩
瑩照耀四座盡關情學度新曲調玉箏人去梁上猶
畱聲紅顏已老不再生樂部空傳如玉名

湘弦怨

蘭生湘澤中孤秀洵芳草無媒爲薦馨幽貞聊自保
夫何蕭與萊滋蔓充周道言采非佳人良楛弗深考
無由資佩衽棄擲成枯槁千古靈均氏臨流思濯澡
問天天不聞聊借湘神禱至今弔古徒寫怨憑絲縞

忠魂如可招願代詰蒼昊

促促曲

促促何促促獨行頻躑躅不恨嫁君遲恨嫁終無屬
祗事堂上姑豈缺盤中粟人生無百年易盡風簷燭
誠念歡聚難良期應早續萍梗亦任君妾誓歌黃鵠

樓上女兒曲

輕盈樓上誰家女靜對珠簾默無語手抱箜篌不肯
彈恐因歷亂傷宮呂欲借徽絃寄遠思思長絃促指
離披未終一曲腸先斷人在天涯誰得知躊躇且並

筵篔擲芳華易謝增憐惜深院蕭蕭伴侶稀青苔孤
映空紗碧莫道紅顏容易畱紅顏轉眼白盈頭古來
多少幽沉骨積恨高如百尺樓

青青水中蒲

青青水中蒲泥淺根原薄恐值秋霜零萎折隨凋落
塞上隔重關征人久不還經年冰合地六月雪漫山
髮屢驚秋後家常在夢間受降空有築歸詔竟無頒

塞下曲

塞下長河水蕭蕭遶北流寒霜初着地烽火夜防秋
枕劔隨沙臥彎弓帶月愁催征頻有檄何日釋邊籌

交河塞下曲

交河九月層冰結萬馬平渡堅如鐵何事經年水不
流渟淤原是征人血征人最苦是三冬舉頭怕見天
山雪朔風乍起草纔枯寒威如割膚先裂軀命不須
鋒鏑亡但涉寒冬半銷折陰慘常關天地愁縱有流
時聲似噎每聞奉檄成交河家家哭盡生離別

汾陰行

漢代汾陰后土祀相望甘泉陪泰時天子親臨車騎
從祠官捧祝祈嘉祉茲壇起自元鼎誣新垣伏誅惑
未已匡衡持正終免官劉向附會相緣起往古郊壇
在近都未聞分隔千餘里西京累世矯誣中猶侈美
譚耀青史至今五時並纂蕪那復神靈著汾水

大梁行

大梁山河千古雄養客猶見信陵風西抗強秦師百
萬閉關不敢窺山東夷門雖老多籌畫列死原因禮
意隆自非貧賤多交納朱亥終沉屠肆中鎚脅晉鄙
軍聲壯頓使平原解急攻古來豈少酬知士感激無
由不厭窮驅車偶出三河地盛槩依稀想數公

洛陽行

洛陽雄都天地中舟車集會萬國同右擁太行左瀍
澗星躔上應紫垣宮定鼎卜年垂八百洛京早屹並
西隆王風不振綱弛紐遂使千秋恨轍東秦關百二
非無險何事旋銷一炬空方知蟠固原憑德長世無
如忠厚風

田家行

曾聞本業須農耕今日農耕貽苦累種未入土苗未
成歲稅追呼接踵至預指收場作貸稱豪家堅拒不
肯贖去年鬻女今鬻男泣下漣漣不忍視擬將尺土
付荒蕪籍隸在官疇許棄溝中轉死只須臾鬼不寬
饒憑長吏

思遠人

遊子如嫌天壤窄閨人似恨天壤寬若使大界但咫
尺不教去路長漫漫漫漫去路岐無算東逐西移誰
得絆終無定向寄遙情徒引紛紛思緒亂

憶遠曲

淼淼江頭水悠悠嶺上雲隱躍浮空影參差見雁羣
林木方辭葉簷梅漸吐芬如何千里信經歲竟無聞

望遠曲

明知人不歸日日樓頭望人尚在天涯只疑行陌上
陌上紅塵逐日飛何曾塵裏見人歸經春歷夏無消
息檢點秋風又寄衣

夫遠征

嫁夫莫嫁從征子從征千里復萬里不徒願聚一家

歡但願四宇無戎起戎兵驟起檄紛馳家家痛哭悲
離徒兒女相牽送出門出門頃刻分生死閨婦年年
尚望歸誰知久作沙塲鬼

寄遠曲

美人寂寞春閨裡登樓空見春江水望到天邊水盡
頭重重又復烟雲起欲憑幽夢寄相思夢短思長人
不知

征婦怨

二首

天山烽警傳催發漁陽戍邊送道旁倉皇不相顧

又

生長閨閣中何曾經遠涉欲向夢中尋遙路終無怯
織婦詞

採織終年不爲衣蠶絲聊作官家稅農穀全輸尚缺
供故借蠶絲資半濟絡緯未離機杼聞門前已報呼
聲厲試告官家稍緩催十指晝夜無停替

織錦曲

官家課織頒新樣五色金鱗翻細浪聞道天孫絢七
襄華章原敕專供土承筐未到袞宸前綺縠街衢已

競鮮貴公那信關民力滿目懸鵝更可憐
擣衣曲

夜來殊怪擣衣人何事因秋聲更急千敲萬敲月露
中聲聲悽切如聞泣砧帶月露兼泣零却愁衣袂全
沾濕衣雖全濕情自溫寸絲可當重裘襲

送衣曲

家世孤寒無次丁良人戍邊婦獨行關山遠隔在千
里衣製憑誰送到營身親本不辭勞苦岐路茫茫莫
辨程兼愁衣到人不見又將哭倒舊長城

寄衣曲

天山八月霜花飛寒沙漸覺鴻雁稀戍火颺燦炙枯
草淒風吹凍凋畫旗夢驚閨閣知秋至檢點爲寄千
里衣衣寄無關真冷煖不如人趁未寒歸

又

衣寄心隨遠道馳更添煖氣與身宜妾心縱不蒙君
照煖到身邊誰不知

淮陰行

二首

久滯三吳宦淮陰亦屢過路臨南北道躅躅古來多

今古人情變交游多負恩縱然逢漂母不復飯王孫

秦娘歌

秦娘妙曲甲金閨尚書寵異冠羣行琵琶一時稱絕
技不減司馬遇潯陽須臾門第隨消渙歌舞亦逐聲
華散佳麗沉埋儔列中空教抱器長悲歎蘄州刺史
復鑿收東都不復恨淹留那期會有武陵謫疇托知
音共白頭才人自古多顛躓受恩兩遇中途棄夢得
欵歎爲賦歌傷情不減青衫淚

更衣曲

新歌妙轉瑤光裏至尊親爲更衣起華髮如雲正可
憐鬢疑鴉綠溶秋水自此承恩選入宮平陽舞隊遂
成空至今競度更衣曲作話留傳樂部中

視刀環歌

漫憶天涯子迢迢隔遠山念歸難出口含淚視刀環
堤上行

堤上遊人滿道塵樓頭少婦艷粧新何須對面譚情
事相望相尋總爲春

競渡曲

鼓喧江上聲逢逢越國相傳爲弔忠弔忠楚俗何關
越愛恤貞良正自同至今每值天中節畫船爭赴蛟
龍穴誰信湘江一日沈漫流天地無銷滅

沓潮歌

騰騰海霧漫空青上浮天地迷日星蜃樓鮫室失舊
宅蓬島流沙連一溟縱能射潮張萬弩風濤怒起方
如霆祇憑浩氣吞湖海高閣常關任臥聽

北邙行

北邙山前塚纍纍蒼茫一望陰雲垂青燐不斷風雨
夜松柏聲兼鷓鴣鳥嘶白骨千年同一盡貴者誰氏賤
者誰鄴城莫漫誇長盛遙望西陵恐更悲

野田行

野田今日耕耘地曾起樓臺鎖珠翠忽變滄桑頃刻
間離離一望皆禾穗山農不知今昔殊輒見陰霾增
怪異試問秋宵哭者誰原是當年歌舞肆

斜路行

寶馬逐香車紛紛向狹斜斜斜何所有傳說是倡家

倡家羅綺繡鴛鴦軟玉春柔擁象牀曉漏驚殘巫峽
夢何曾神女戀襄王黃金原爲留歡好用盡黃金人
已槁斜路由來變幻多請試迴輪向直道

雉將雛

斑斑雉子將羣雛麥隴低低次第呼雛羽未成飛不
進參差相逐落平蕪平蕪草淺防人見羅網岡頭張
四面纔餽一粒數回驚養就疑經千萬變

長安羈旅行

長安甲第遙相望堂高列綺開金障門前賓客盛如

雲誰念羈人周道上羈人挾刺不輕投旅邸十年任
逗遛丈夫有骨寧饑死嘔笑終難伺貴游

羈旅行

驅車出門向陌頭日暮村店暫遲留雞鳴又催結鞵
去東西岐路終悠悠長安貴公聞好客我往獻策不
見收落魄十年不歸里裘敝恐貽家人羞

求仙曲

靜處得真仙何須更遠求徒嗤秦漢愚浮海空遨遊
元精吾自有儘足供冥搜丹理旣已得可以謝浮丘

結愛曲

宛轉傷離別相贈同心結郎如心遠離何取帶重繼
浮雲任去來歲節殊寒熱結愛願如初相囑頻頻切

節婦吟

耿耿天上星永望河西東婦人從一夫生死矢相同
縱然中道棄堅貞礪以終况復良人在相逼何忽忽
試看池中鳥一雌無兩雄請君迴輪去妾身非亂蓬

楚宮行

畹蘭嶺桂多名材楚王羅植章華臺細腰餓死亦不

恨但願愛寵無中墮芳華眼底殊紛亂夢魂忽被湘
雲斷真者疑幻幻疑真好夢覺時均一散

山頭鹿

皇皇忽見山頭鹿委角投地疑哀鱗何能見草更呼
羣軀命懸作庖中肉誰信哀婢正有同皮枯血盡室
廬空長官漫道能憐惜今日催科當急公

各東西

陌頭車馬何紛紛東西異向岐路分心如岐路原難
定對面相逢誰測君大道如憑惟一直縱極天涯無

異惑楊朱若及見今時更於岐中哭險仄

又

別道臨東西倉皇兩不顧人生各有營趨走如羣鶩
志原在四方安能常守故聚首未暢歡歲月空虛悞
流水會歸源天涯有奇遇百年可再期矢志敦雅素

湘江曲

朝自湘江發暮向湘江住來往只湘江野岸村家聚
行人每過弔湘魂指點猶憑竹上痕漁父不談今古
事烟波簞笠臥黃昏

雀飛多

雀飛朝啄田中穀噪呼暮向空簷宿方信相依有主
人誰知羅網危機伏族類雖多軀命微何堪炙薦盤
中肉黃鵠雖孤志不羣高松可托巢深谷

夢上天

我每問天天不答直欲親上叩天宮蒼蒼邈漠不可
極夢生兩翼忽騰翀已到天門不得入持戟神人相
向立上帝雖慈呼莫聞徒令搔首仰空泣壅蔽猶來
同世間天庭豈必盡清班重闈自隔終難達從善空

傳似轉環情思無奈方憑夢夢亦無憑逢扼控愁魂
不禁舉聲號覺來心尚餘酸痛

君莫非

及狐兔行俱用元微之體而寓意不同

蓋爲函覆函作蓋承函蓋合用廢一不能輪轉車足
軸縮車心心足相應無慮崎嶇釜注湯沸竈鬱火炎
沸炎雖隔氣候自兼絃聲出軫軫理寓絃調和均適
此托彼傳相須之義今古不違我不非古君莫我非

田頭狐兔行

疏洫灌禾開畦菽豆禾茂豆鮮兔饑狐蹂人驅犬逐

狐兔交橫兔狡遁窟狐險負城網之不能追之莫極
坐視苗傷徒增嘆息窟多可塞城危易傾狐兔俱窮
何能傲人

人道短

若謂天道長陰霾彗孛蝕精光若謂天道短寒暑推
遷無時斷若謂人道長豪強暴逆遏忠良若謂人道
短德業文章堪述纂紛紛長短論何憑短者其暫長
者恒真誠一片常無滅勢焰高張會見崩英雄歷困
心仍壯松栢凌寒氣倍增

苦樂相倚曲

受恩自樂失恩苦眼前榮瘁情難覩歌舞崇臺寵艷
多長門寂寞聽風雨山陵崩日更誰驕豕盡皇雛禍
水消紈扇輕風常得在坐看苦樂不崇朝

捉捕歌

捉捕歌巨者逸去細者羅虬蟲嚙膚探手得虎狼饒
食跳梁多蟻蠹潛萌屋梁壞歲月浸消人不怪塞孔
除類尚有源不比山陵多險隘險隘高深勢焰張非
兼智勇更難防留侯之後梁公繼旋轉機謀略足當
非云圖巨宜寬細細巨兼弭功始濟太平不患在燎
原曲突徙薪宜預計

採珠行

聖朝品制冠珠別今世驪珠翻見褻貴官無錢珠價
高優人瓔珞如纍結蚌孕珠成費苦辛採珠涉險入
重津豪華但作尋常飾恐犯驕奢怒海神

平戎辭

西望塵沙萬里清不須更檄戍邊城兼聞閣上懸圖
畫只待將軍早策名

望春辭

鶯花一夜遍郊原
錦繡笙簧分外繁
東帝可憐人寂寞
也應取次到柴門

思君恩

聞道尋春幸花叢
轉御輪偏疑深院草
不及薦車塵
漢苑行
宮柳含烟早
露新皇都果信占先春
繁華偏近聲歌地
莫道風光不媚人

燒香曲

深閣沉沉晝永時
鑪煨靜對恰相宜
獸騰紫靄隨風裊
龍吐青涎帶霧吹
幽引蘭芬清入夢
輕穿簾影漫縈思
何須錦字憑函達
一氣微通自得知

房中曲

翠繡隱闈房
歡情挾愛郎
梁棲雙燕子
枕接兩鴛鴦
鴛鴦燕子不相違
暮暮朝朝逐侶飛
幽夢忽驚風雨散
孤幃獨守竟何依
繁華雖艷須臾瘁
不如松栢能堅植
試問深房靜夜時
寒冰一片何曾墜

樓上曲

層甍叠叠干雲上親見銀河光蕩漾織女停梭問阿
誰聞訴離情增惆悵只道人間良會多也同天上計
年過隴頭消息沉雲外菱鏡塵封影暗磨而今結得
天孫伴簷前歷歷星雲爛此後含悲不敢啼恐生天
上人愁歎

湖中曲

徐徐漾漿凌輕波曲避橋灣慮損荷荷葉向天莖自
直蓮心暗結苦尤多停橈欲問還驚止宛見顰眉人
在水正待相憐各說愁船急水深呼不起

春懷引

春陰漠漠花零亂香趁微風入羅幔一枕纔憑午夢
酣啼鶯聒耳疑驚散魂去天涯尚遶飛頸沾枕上猶
泚汗屈指春光九十期一腸那任千回斷

靜女春曙曲

疎簾近曉籠香霧花拂欄杆滴輕露狂蝶猶紛逐浪
魂嬌鶯已亂啼芳樹高閣偏藏滿道陰濃花密柳自
深深重扇那放朝光入竟使冰寒徹夜心

白虎行

虎爪張虎牙露無故咆哮向人怒雞肋何能當一搏
危途莫避安吾數生命那堪久任殘帝心方赫不容
干網羅無處施狂毒文鞞仍同腐鼠看君不見強秦
暴楚薰天燄雙瞳炯似雷光閃白虎終須避赤龍止
憑寬大消傾險

月漉漉篇

一片月光寒微風散綺瀾蓮房驚露冷木葉怯秋乾
早信鴻音斷空憐鏡影團聞說黃金屋夜夜成孤宿
清光但照人淨魄常居獨呼爾作同心贈言題漉漉

黃頭郎

岌岌黃頭郎森森水雲鄉楓染青霜赤葭含白露蒼
漁歌傳別浦雁影過橫塘但任帆幘疾寧知道路長
欲暫求停假水激灘流瀉方叱蛟龍爭旋驚雷雨化
回船岸已迷遇石篙難下徒令荆布人千里思寒疾

倚瑟行

長橋如虹臨灞水曾經駐鞞迎天子猶想當年儉素
風夫人縞曳無文綺治陵深戒不從奢千秋塵化同
歸已試看驪山松栢林須臾摧槁縈荒藟傳得邯鄲

倚瑟歌夫人調瑟至尊和故鄉東望枌榆在景物殊
悲變易多人生有似朝零露里舍寧期再許過治平
誠賴憂思切廷尉由來直不阿

江南別

今日到江南明辰往江北江北江南一水間往來鹿
鹿無停息別後經年信不通知君每日在塵中寄言
早整歸鄉棹南北人情正自同

系樂府

十二首并序

唐天寶時元道州引前世可稱歎事爲詩十二

篇名曰系樂府余用其題并次原韻意之所主
不必同也

思太古

瀟流會湘水潺潺北注湖古郡傳零陵有溪猶號愚
人家寄艤艇秋獲憑鱸鱸往來菱葦中去住疇能拘
我曾偶一逢知識洵全無寧禁白刺史見此不踟躕

隴上歎

今聞隴蜀間絡繹西征駕長官奴隸輕一任兵徒叱
天子神武張遐方已顧化投戈及此時渾一同區夏

宜示反側安母生爾虛詐庶使流竄人旦暮歸廬舍
頌彝臣

王會列明堂盛陳四荒樂東方類主仁清氣偏無濁
自折朝鮮封職貢時頻數至今禮讓遺猶存太古朴
同文齒大邦經義遵先覺寧讓昔時人獨嫻音律學

賤士吟

踽踽尚高潔不肯隨汚流所往不得意淪落終窮愁
非無捷趨徑矢志不願由貧賤原自得王公亦何求
世人競聲華翻爲鶉結羞蕭然高士致煙月釣江洲

欵乃曲

試聽欵乃歌引人增長恨恨茲塵網牽讓彼傲獨清
煙波無盡處湖月亘古明夜集深潭下時聞相和聲
三湘嶽峰外漠漠陰雲生猶怪孤吟客魂從澤畔行

貧婦詞

生爲貧家女嫁作貧家妻矢志屢糟糠曾無聞怨嘶
堂上有雙白身畔引孤麕晨興勤除掃恐荒門外蹊
良人事遠征悵悵鄉關迷生計婦獨管寧禁徬徨啼

去鄉悲

出門甫登車忽發浩歌長親朋送滿途有酒莫勸將
從此萍水踪去住定何方遊子雖念歸羈魂滯異鄉
徘徊嶺上雲千里徒相望眷茲握手時相顧情增傷
壽翁興
老翁顏渥丹宛比嬰兒育癯然骨自清終不同枯木
曾聞上藥方甘液調良玉問翁翁不知冲澹原無欲
笑彼海上求皇皇滋遠躡誰知清靜中一氣原堪服

農臣怨

農臣怨胡由顓告旻蒼主非無滿篝車豈不時風雨

如何終歲氓流離轉憂苦急徵兼倍輸情結無從吐
將爲溝壑填弭望成荒畝吏雖能追呼那向遊魂取

謝天龜

曾聞詹尹氏端卜同兆龜人心迷去從神爲決所疑
天助常主順告誡胡容私視履可考祥恪循先聖規
自罹滅趾凶煩黷亦胡爲冥冥難決事昔賢垂訓辭

古遺歎

聞歌古遺歎感發豈無爲正直不見容今古同傷悲
此遺彼見收彼收此終遺彼此類自分顛倒疇任之

榮達知有命退黜安所辭孔顏以窮老愴然歎古遺

下客謠

客雖居下座不徒乞主憐養之諸客中用可備粹然
口訥常類拙貌朴不工妍緩急如有須挺身且直前
險脫虎口傷功能收萬全齊魏賢公子盛節著當年

補樂歌 十首并序

十代樂歌名傳自古久闕其辭唐元結採其名
義以補之凡十篇十八章既非古辭則今人無
妨各以意擬也

網罟 伏羲氏之樂歌也

母曰鱗甲堅吾民患爾吾將制之於深淵母曰爪牙
利吾民患爾吾將制之於險地

網罟二章章三句

豐年 神農氏之樂歌也

帝藝百穀兮耒耜以興皇天嘉祐兮報以屢登帝嘗
百草兮醫藥以傳皇天降康兮報以永年

豐年二章章四句

雲門 軒轅氏之樂歌也

帝肇垂裳兮下臨萬邦如仰陰膏兮涵潤無疆帝始
創制兮利用生民如蒙布濩兮品類惟均

雲門二章章四句

九淵

少昊氏之樂歌也

浩浩川流兮惟淵斯渟隆隆至德兮羣望歸溟

九淵一章四句

五莖

顓頊氏之樂歌也

維天好生兮植類云繁昌榮靡旣兮疇沃其根有德
高深兮諸生之原咸資亭茂兮嬗化不言

五莖一章八句

六英

高辛氏之樂歌也

有爲覃敷兮莫闕其流帝德淵涵兮靜止以收爰兆
爲音兮沉焉勿浮有爲昭煥兮莫竅其光帝德深穆
兮退密以藏爰制爲樂兮翕焉勿張

六英二章章六句

咸池

陶唐氏之樂歌也

廣運惟天兮其大難名順則以安兮胥樂其成灝衍
惟川兮其涯靡窺羣嬉以遊兮帝力何知

咸池二章章四句

大韶

有虞氏之樂歌也

元象昭昭兮迭運相推重離繼光兮最盛罔虧端拱
凝然兮不知所為百昌順遂兮自適其宜

大韶一章八句

大夏

有夏氏之樂歌也

相彼九區兮洪流湯湯疇任濬決兮歸趨望洋相彼
九區兮荒土成墟疇奠安壤兮咸樂其居相彼九區
兮艱食方咨疇惠生民兮服教農師

大夏三章章四句

大濩

有殷氏之樂歌也

兆民危兮如隕淵桓王振之安以全兆民苦兮如墜
塗桓王濟之潤以蘇

大濩二章章四句

續補九夏歌

九首

夏大也樂之大歌有九王出入奏王夏尸出
入奏肆夏牲出入奏昭夏四方賓來奏納夏
臣有功奏章夏夫人祭奏齊夏族人侍奏族

夏客醉而出奏穢夏公出入奏驚夏皆詩篇
名頌之類也載在樂府樂崩亦從而亡皮日
休曰九夏亡者吾能頌之乃作補九夏歌曰
續補者又廣日休之意而續之也

王夏

維王之出如旭方升皇皇求治儆茲夙興維王之入
如景初沉向晦安息淵默孔深出御明堂袞衣繡章
乘乾出震照臨萬方入反王宮齋肅融融勉茲惕若
罔斃冰衷

王夏四章章四句

肆夏

尸之出矣肅肅如臨馨香用薦惟神是歆尸之入矣
漠漠如歸燔裸以將惟神是依

肆夏二章章四句

昭夏

選彼柔嘉肅迎以陳尚其無吐惟爾有神旣薦之馨
以燔以瘞九變有成萬靈司契

昭夏二章章四句

納夏

玉輯於庭賓享於王德音孔令邦家用光有嶽斯峙
有海不波萬國來同相感以和載盛之筐載將之管
鳴鸞雝雝嘉賓至止奏以笙簧榮以袞舄既醉斯歸
永懷無斁

納夏四章章四句

章夏

莫敢不享莫敢不來神武有赫如霆如雷載錫之戈
載錫之矢四征弗庭聞風斯靡既獻以馘又獻以囚

天威既覃賴爾公侯何以庸勳何以旌伐紀之太常
光昭日月

章夏四章章四句

齋夏

在宮雝雝在廟肅肅誰其尸之德資令淑

齋夏一章章四句

族夏

本支百世君子萬年式燕合樂和氣以宣大宗繼統
小宗繼姓永念同源相懷以令

族夏二章章四句

袞夏

賓筵初張鐘鼓煌煌飲以德將賓筵逌酬旨酒斯柔
樂戒無流賓筵既終露湛以濃罔怠爾恭

袞夏三章章三句

鷲夏

入焉惟公出焉惟伯斯翰斯屏王靈孔赫有袞其衣
有繡其裳四方之紀五服用彰

鷲夏二章章二句

新樂府

十三首并序

唐李公鹿作樂府新題二十篇元稹和之得十
五篇亡其三後增八駿圖一篇共十三篇皆天
寶時事也余和其詩亦卽用其事傳之異代以
示風勸云爾

上陽白髮人

曾聞虢國初專嬖六宮妃嬪爭移避當年選備掖庭
時大都小邑馳飛騎顏色堪呈粉黛姿催扶上馬承
恩賜新粧熠熠稱蛾眉瑤釵寶帶金花帔方期白首

奉君王相隨同入山陵隧詎料天生艷冶人一時中
道咸捐棄海棠麗色讓春嬌沉香亭畔畱深醉浴兒
反得賜金錢喧闐羯鼓動天地狼狽鑿輿望蜀奔梨
園子弟無從出興慶池邊只海青仰天慟哭投樂器
馬嵬山前軍亂呼香肌頃刻成顛顛長安雖復故宮
焚荒臺燐火陰風吹路逢白髮老宮人自言曾備開
皇侍軀命幸留鋒鏑餘猶得依稀說遺事低回哽咽
不能言但指上陽灑長淚

華原磬

金聲噌吰石清越始終大樂能收發天地元音借此
留上下相生無間歇獨有菁英泗水浮方州列貢登
天闕浮者質輕音自清非同頑重藏巖窟古樂依稀
今尚存無須夔曠司捫袖傳至皇唐天寶間頓教雅
韻趨淪沒難和謬信拙工言改向華原採柔碣自此
莫托寫憂勤但恣荒樂招征伐梨園傳布盡淫哇大
雅全亡成恍惚方信治平闕太和一石纔廢邦家抗

五絃彈

我聞庖羲制五絃其名爲琴五音全虞帝再鼓薰風

奏名致神物書猶傳五絃之彈非琴類不知創起自
何年四隔孤柱相散合二十六調聲繁然形如琵琶
又差小來自北國樂府編貞元之中有趙璧自稱神
妙絕技專洗然耳鼻相忘際心驅神遇隨者天侯家
主第爭推羨一時靡俗盛流延繁音既盛大雅廢護
邪將進退皆賢開元之後漸陵替氣機已兆聲律先

西京伎

西京勝地繁滋殖牛馬萬羣畝千億產既豐饒俗漸
奢更兼婦女多顏色葡萄酒熟醉相呼潦倒青樓歸

不得相傳此地近西邊蕃戎秋牧狡莫測大唐開府
屬哥舒列帳連營寄封域將軍忘戰士卒驕歌舞充
前伎滿側諸蕃窺隙生叛疑無復從前稱屬國中原
更引豺虎羣一哄還向長安逼哥舒老將無能爲丸
泥莫豫潼關塞空負天朝豢養恩果然認子翻成賊

法曲

太師典樂相傳古綜述六代陳歌舞雲門咸池暨簫
韶大夏大濩兼大武清廟明堂合奏時上格神祇下
格祖大雅寢亡失所傳漢代依稀存樂府下及唐皇

全盛時破陣長生盡新譜玄宗度曲喜蕃音妖女爭
前催擊鼓縱狀敕使各分行疇禁終無亂法部從此
咸陽漸起塵百官但促乘輿走究始誰爲啓亂萌在
引鞮韠雜干羽淫雅攸分治亂隨君王好尚端其主

馴犀

野鳥棲林獸走澤順習天狀難矯易鳳凰儀庭亦偶
狀丹巖弢羽原自適鳥獸咸若古帝風驅遠犀象昭
史冊通天奇珍貢角宜生致更恐難拘迫縱然稱馴
方土殊畜之檻棧易消索進自南海實違常詔養苑

中詎良畫須臾犀死因大寒嗇夫無罪空膺責我聞
太平全盛時雞犬桑麻遍阡陌放象先模傳建中何
至貞元悖疇昔欲謝遠人豈無辭但云用耕難服軌
立部伎

貞觀造樂供遊讌分陳二部列堂殿二部還分上下
間坐者自貴立者賤坐爲新聲立舊聲厭常已啓相
陵眩曾聞太常選列時但無性識遞斥譴立部不堪
入雅部大雅之卑於此見太宗破陣昭武功宗廟奏
之歆時薦娛耳翻訝不如新寧禁淫邪不日變妖妓

輕柔萬態嬌掉頭轉尾如飛電滿堂歡笑目光搖老
成歎息觀疑倦豈信虞階舞羽千古稱盡美兼盡善

驃國樂

驃國之樂類天魔鐘磬發響口咿哦俯仰屈伸似有
節歌詞難譯須摩羅雍羌貢之殊乖典間伺君王好
尚頗誰爲進者繪圖入西川節度適逢阿瓊林曾窺
貪利隙遂倡日進工斂苛樂工茲代驃國獻恣君淫
蕩罪渠科聖世但取朱干舞鳴球戛擊間詠和化被
百獸庭儀瑞途傳擊壤帝力歌大雅之陳綜六代尚

詘賽舞及村儺矧茲異俗別音調聽者恍惚疑差訛
縱相沿習就行列天狀違戾驚怪多賓筵三爵譏童
殺司觴相戒屢舞傴茲樂顛狂正類是良臣諷動聖
主訶

胡旋女

胡旋舞自康居陳適逢天子正喜新兩足跹踏小毬
子旋轉不住如風輪觀者魂搖目睛眩庭臺未見起
微塵霓裳頓爾怪失色飛燕不數掌中身試問云胡
臻此妙相矜授者疑有神至尊歎息才人笑堂下遙

四照堂
卷一
望迴未真輕喉宛轉啼嬌鳳百疊朦糊躍錦鱗留宴
頻教忘卜夜翻誇世外有長春那知羯鼓相隨動百
二重關立蕩傾老臣引退忠言絕迎合驕奢儘佞臣
官司規戒先淫巧燎撲炎炎豫絕薪莫言天運能周
轉不動還須象北辰

蠻子朝

記昔漢武強盛時敕使開道西南彝曾憂子弟及父
老致煩長卿婉諭辭族類雖繁方土異隸之屬國殊
失宜更兼狡險心叵測弱附強叛乘間窺大宛遠通

譏博望珠崖議棄善捐之伏波徂征城交趾銅柱西
樹界藩籬胡至有唐貞元代西川節度失撫綏謬引
諸蠻入朝貢沿途傳置送侏儻天子臨軒歡賜宴待
以異等非常儀滇黔巴蜀苦供億來饑去飽中國疲
越裳重譯誠盛事指南錫後漸陵遲不如閉關常却
使內無騷擾外鮮疑干羽舞階苗自格治以不治相
縻羈

縛戎人

將軍攘袂誇邊略營開虎帳連沙漠士卒爭來獻首

功華人盡當戎人縛陣上生擒身被瘡蓬頭破面泥
沾脚聖朝天子本好生相戒邊人莫輕虐軍中下令
宜恪遵不持刀戟徒手搏格鬪前徒無力支延頸請
降就繩索素聞蕃種盛猖狂束手待俘亦何弱天子
憐之赦不誅詔徙東南散城郭中亦有人能華言自
稱先世本京洛徙戍西邊備禦戎晝事耕耘夜鈴柝
被霜臥雪飲寒冰狡戎出沒頻鈔掠老穉橫殺壯者
存反爲戎人充部落入犯每令作前驅弓矛相接肉
先薄生縛雖幸荷恩存轉徙仍慮填溝壑縛時誰辨
本華人但取將軍及賞格縱是真戎殊土宜亦畏南
方瘴癘惡安邊長畫謹提封歲款來歸遵束約中外
安全聖澤深膚功勝繪麒麟閣

陰山道

陰山道上千羣馬羌戎驅牧長城下破塊追風千里
騰色半黃驪與青赭元和天子志安邊不惜金帛相
易假金出內帑盡民膏帛經採織勞冬夏傾與邊戎
恣飽颺外日豐盈中瘠寡儲積難供無厭求耗竭虞
同蟻竇瀉駟駿幾堪服上襄豪華多竊供遊冶飼養

四照堂
卷下
既失水草宜瘦骨稜稜臥顏瓦毛仲雖誇善牧能雲
錦空借丹青寫孝文曾却千里乘皇皇大度陪風雅
龍種縱狀產渥注不遇王良難控把明知歲犒匱中
原舉朝持畫如暗啞

八駿圖

穆滿乘駿足西陟崑崙巔金母親御觴爲壽天子前
引歌互酬答張宴恣流連尚嫌胎骨濁難與證飛仙
驂騑善騰躍萬里空往還嗒狀返故宮顏喪隨天年
雖有王良御無路爲冲騫神駿亦已矣僅作繪圖傳

新樂府

唐白樂天作新樂府五十篇自爲之序余擬樂
府詩有題同前者不再作餘並倣其題隨意擬
之抑存乎風勸云爾

七德舞

破陣何年更七德鉞旄改作羽干飾憶昔唐王興創
時廓清海宇憑威克北伐南征豺虎除蒼黎歌舞舒
愁色故借軍容侈頌颺天子見之轉憂惻太平盛業
在修文創守兼資治亂分不有驅除神武力何能奮

四照堂
卷下
起剪妖羣妖羣剪盡咸歸服萬國咸推一統君方離
湯火還耕鑿巷詠途謠總忭忻英主識取民心樂亟
飭伶工訂筦籥獻馘已妥九廟靈凌烟久序功臣爵
何事張皇更布威鋪揚猶是當時略自有雍容盛德
儀無疆永固磐基托兼賴老成魏鄭公十思獻替願
輸忠諦觀不視留深意實啓瀛洲助雅風世人堅執
純王議力貶貞觀治未終我專節取存風示莫遣中
原苦戰攻

遊梁二王後

虞賓殷客古朝儀盛事猶憑令典垂非止象賢存廟
祀尤資文獻示良規聖唐此意依稀繼草莽勤勤問
前系介公鄒公恩禮殊尚使周隋無絕世莫言寬大
遇難希天命原宜審所歸杞宋代隨姬祚永那云一
綫僅幾微磐石之基憑百足相扶尚賴懿親屬剪伐
無先撥本根窺陵何自乘梟毒

海漫漫

茫茫滄海無涯際聞有洞天非人世遙連三島並十
洲往來但任神仙憩此語傳流自漢秦長生丹藥認

四照堂
卷下
偏真年年禱祀無消息依舊迢迢萬里津海靈恍惚
來相告咫尺仙臺容易到洪源任濟不須舟靜候能
通無用躁求仙猶怪世人疎政徹餘癡尚未除呼吸
不知尋氣海翻從溟嶠望傳書

新豐折臂翁

痛哉新豐折臂翁甘心折臂作疲癯翁臂胡爲甘自
折形軀已廢免從戎殘軀無用如同死忍痛傷生胡
爲爾留有殘軀死故廬從戎幾得還鄉里在昔明皇
天寶時宰臣生釁擾邊陲丁男盡選充行隊城野家

家哭竄離忽傳牒下新豐里老翁生年纔二十籍載
成丁無漏遺窮邊風土何曾習計思脫兔出倉皇仆
地悲呼頓若狂視臂果狀全骨折何堪負弩赴戎行
誰知臂折緣情迫膽破心搖類崩坼痛忍須臾命苟
全至老何曾去阡陌吁嗟乎人生誰不愛全形總爲
疆場苦未經生逢離亂原非幸遍地陰風鬼火青太
平天子思長治永戢兵戈不輕試巡邊若悞聽邪臣
個個丁男思折臂

太行路

四照堂
卷下
太行路何曾險北連幽冀西通陝躡石躋巖道坦狀
車騰馬驟無迴斂豈似人情嶮巇多相逢對面起山
阿無形傾仄難爲避推墮重淵奈爾何誰知到處情
相若閨闈亦類交遊薄昨日蛾眉如畫人今朝頓化
無鹽惡我爲引戒聖君前須使忠良永戴天却信鴟
夷沉死者依狀戮力報讎賢

司天臺

司天臺高高百尺仰測星辰近蒼碧躔度環推似轉
輪四時占候無差易日惟修德月修刑天愛人君時
見謫望雲察氣屬保章見則直書無顧惜疇人失職
事多愆災異稀聞報有年水旱明明徵象緯翻將瑞
紀上諛箋渾儀本述璿璣意妄揆星圖掩昔傳聖主
當陽新曆朔五行順軌日歸躔

捕蝗

下令捕蝗蝗愈多戾氣滋生奈若何捕一添百捕無
益奚但殘滅傷天和傷和非關蝗類滅致此蝗災誰
爲孽不剪根株只咎蝗和氣傷元災不絕寧食朕心
聖主言吞之者一百無存回天不出堂皇地長吏何

四照堂
卷下
須督里門近聞淮南及江北蝗飛蔽天天欲黑捨蝗
不捕且捕人人不食蝗人自食嗚呼痛哉古道陵弛
漸不如捕蝗之吏猶賢歟聖君若下弭災詔聚斂邪
臣在首除

昆明春水滿

昆明池漢時鑿延袤四十殊空廓志圖毒國涉險難
習戰池中藏遠略炎運終時池亦湮離宮別館成荒
落當世徒居黷武名樓船安見蠻裔却聖唐重闢太
平基報道汪流湧故池詔任民間施網罟魚蝦蒲芡
總無私詞臣尚自勤規諷猶冀皇恩自此推那知窮
谷深山地徧地征徭漏者誰

城鹽利

鹽城高築稱永逸須暫勞延袤百堞巨沙漠巍巍雄
峙單于逃北地五原沿古郡鹽池沃衍壤腴膏興王
自古無輕棄故設專城建節旄今時邊將圖安便勇
略何曾習攻戰整成荒土戍無人牧馬千羣肆陵踐
遠堡忽傳半夜烽將軍尚自沉歌宴虛糜百萬大農
錢不治城隍治亭院

道州民

方貢何年課道州不貢珍奇貢矮奴矮奴本屬侏儒
類卑軀著地徒供戲郡縣搜求苦驛騷千家驚竄萬
家號道州何年停此貢聞自陽城能感動陽城自署
拙催科撫字心勞惠政多矮民之貢原無益抗請猶
關刺史責請停不謂小臣愆聖主翻將德意傳從此
道州得休息安居咸賴使君直西求大宛採珠池隙
起無端誰得知若有陽城三五輩何愁天聽定難移

驪宮高

驪山宮起卽溫泉華清改後幸年年百官車從多煩
費那計消磨幾萬錢何年此地遺荒殿云自君王罷
遊讌出幸無過咫尺間千村搖動禾苗踐宮闕寧顏
詔莫修安恬樂與兆人休學愚縱使塵蛛網阡陌全
開少廢疇九重自有高高地端拱垂衣稱盛治一動
尤關右史書况勞車駕經旬出

百鍊鏡

百鍊鏡出揚州澄如秋水精光浮鬚眉畢照徹心膽
異寶人間不敢收上陳天子御臺前天子臨臺覺悄

四照堂
卷下
全
朕正恐我肥天下瘦片銅何得照能全千秋進鑑自
元公治亂賢奸類不窮朗鏡若懸俱得見君心但取
自磨礱此意而今正可師以人爲鑑總無欺賢模何
止經千鍊往古來今那不知

青石

青青道立藍田石古色斑斕映蒼碧云是忠臣節烈
遺歲久終難磨字畫異代山前樵牧人何常親見沾
恩澤義聲常使古今留撫石如同人愛惜咄嗟此石
何幸哉不鋪馳道與平陔平陔馳道須臾貴遷變依
然沒草萊何如鐫作忠臣碣過者遲回爲拂苔非關
此石能堅固還賴貞心死不灰

兩朱閣

兩朱閣何崔巍相峙煌煌耀日暉昔爲歌舞留歡地
今掩瞿曇趺坐扉王公自喜能爲捨祇園曾布黃金
價施此迎佛佛不來謂是奪得民間者民間婦子哭
流離失去田園宿野岬遙憶聲傳鈴鐸處原爲煙火
市廛基佛子金身雖丈六一粟能藏任伸縮法界猶
然盡是空莊嚴何必黃金屋茫茫輿土帝王家東被

西漸不謂奢田野何曾窺禁籞閭閻已共萬間遮佛
來原爲哀黎庶寧圖朱閣常留居東土人人安室廬
早知含笑西歸去

澗底松

松生澗底高千尋地隔人境寂沉沉天風不到聲不
發白日罕照空留陰匠氏入山求良棟過此則顧趨
高林此松老幹歷歲久耐寒疇喻堅忍心有材委棄
同樗散胡矜但免斧斤侵世間若無賞音士爨下那
辨焦尾琴蕭艾敷榮芝蘭折不平浩歎同古今志士

寧甘牖下死羞隨叩角爲悲吟

牡丹芳

牡丹佳麗色競新得時恰喜乘三春名園收植勤培
護風日恬和氣候均世情不比尋常惜寧禁芳華不
吐陳看花狂殺如雲侶車馬喧揚滿道塵主人却爲
花名重列帳高懸文錦綜與在長安貴介遊張筵送
酒勞車從博得才人喜賦詩微株寵被千金頌謬信
春光喜媚人風流儘稱豪華用誰知風雨本無情忽
聽催歸鳥弄聲晨起徬徨堦下立泥沾片片落紅輕

四照堂
卷下
無言桃李原同謝有限風光不再榮還看往日尋遊
處依舊蕭條荒蔓生惟有巖頭松與栢常伴清泉共
危石樵牧難通徑絕行重陰但映蒼麋迹老柯一任
歷冰霜自見稜稜色成碧總無妖艷逐紛華那向人
間乞甘澤

紅線毯

紅線毯貢自宣州君王喜動民煩愁宣州太守何機
警較殿製毯任卷收製用純絲色紅染質既深溫光
吐燄最宜歌舞騁嬌姿妖嬈儼逐風前颭細裹重封
遠送來車輪高擁錦雲堆秦氊蜀罽殊輕賤貢到庭
前不敢開一毯之費幾微耳絲絲抽出皆膏髓太守
居功誰任勞供億徒煩原得已

杜陵叟

杜陵叟悲困窮讀古哀歌今正同田無粒獲尚征稅
官長任呼耳若聾耳聾不聽人呼禱偏慣經營求上
考但言今歲幸豐收誰知四野無青草青草雖無吏
到門逃亡一望盡荒村今年預督明年課逋者爲誰
問現存株連繫逮無時已流離並作他鄉徙他鄉生

計復何依展轉仍同歸一死天心震怒示星災聖主
求言冀挽回間覽封章知疾苦盈庭持議沸如雷封
章十下九停閣曠恩那救枯魚涸杜陵往事復堪陳
繪盡而今貪與虐

繚綾

我原不識繚綾樣但讀古辭想情狀皎如明月夜光
澄雪花亂捲飛銀浪絲絲吐出女筐中費盡人間幾
許工總爲誅求供上用人間杼軸究成空宮人蒙賜
承恩澤花樣更時旋棄擲不顧經營歲月勞儘將新
製頻翻易安得天孫遍降生雲章百尺刻能成縱教
神巧無窮竭泥土寧堪幾賤輕

賣炭翁

賣炭資生能幾何老翁經歲營山阿手如龜裂形焦
黑空對柴薪忍凍呵翁胡惜炭如金貴借炭聊供衣
食費忍凍須臾只一人若無衣食全家歎自言貴賣
趁天寒推入城中賣不難忽遇當車叱咤者口稱銜
命是中官炭憑奪去錢無一翻使老翁增股栗聖主
陽春遍地敷此翁偏恨難瞻日

母別子

母子恩何忍別新恩方續舊恩絕新恩何能間舊恩
久見形容生厭衰嬌艷翻因乍覩添榮光頓覺成消
滅不謂君王賞戰功不加封爵遺妖孽此孽到門家
道離母啼子哭聲悽咽夫婦雖云草露情生兒原是
親胞血母去縱狀兒尚留饑寒永夜誰關切母異爺
心亦並移熒熒眼見雙孤孽不獨無人施撫摩更愁
非意相陵折出門道路各西東衣襟欲斷心猶結曾
聞聖代寵多殊婦人不在頒賜列忽及而今變此規

但疑朝典漸輕屑

時世妝

時世妝爭效新妝舉國狂頭鬢鴉堆雙尾燕遍身蝴
蝶遶衣裳裙拖百疊風搖動步引蓮花滿地香此妝
新自吳中起漸次侵淫及遠方晨興方及東牕曙得
到妝成日過墻朱塗粉抹雖嬌艷猶慮非工惹厭常
一妝了却閨中事那得餘功理績筐

李夫人

漢皇信極古今癡已逝幽魂胡返爲總是終沉方士

四照堂
惑憑虛故約帳中期伊人伊鬼途原隔疑假疑真辨
者誰魂逐香來原易散魂隨香去更難追分明魂是
香烟結妄認佳人死有知英傑猶狀迷不破如何偏
怪世間兒

陵園妾

陵園妾何年奉敕守陵園院鎖重陰鎮日昏一自押
來封閉後竟成永錮不開門縱狀月餽頻支給那冀
君王閒放恩未央鐘漏聞偏隔泉響松風晝夜吞春
宮應選同時入顏色無差命不及承歡禁掖荷殊榮

欽鳳爭光衣帶熠蛾眉相妒暗相排貶守陵園催出
急申訴無由哭禁聲闕庭回顧徬徨立幽居伴侶豈
無人一樣迤邐被黜身彼苦此愁心自喻不堪相對
各披陳班姬紈扇長門淚飛燕昭陽寵澤新留得悲
歌千古在不堪重聽惹酸辛

鹽商婦

鹽商婦滿頭珠翠黃金鑲出乘大船入高堂如雲婢
媵趨前步椒馨進食被籠香諾不隨呼主母怒金穴
由來信果狀石家莫鬪珊瑚樹驕奢試問胡能然煮

四照堂
卷一
波熬海勝耘田良人名掛司農籍勢埒王侯利任專
課輸大府錙銖計那較私家子母錢錢如糞土恣豪
費豈似農夫不遇年農輸十百商輸一却疑偏爲商
姑息商人得此豈無由利孔苟分不可詰故令商家
坐享豐妖童美妾盈居室府海官山空有名泉源竟
爲何人出

杏爲梁

榎楠作柱杏爲梁誇是公卿舊日堂座上觥籌喧燕
笑門前車馬競騰驤更饒畫錦添春色不少明珠引

夜光客祝主人歌旣醉方期百歲樂無央一朝失却
冰山勢田園收沒妻孥繫詔將宅舍賜功臣籍註丁
餘充輿隸故家燕子不飛來滿徑荒萊滋蔓翳擔負
門前行乞人不記當年舊居第

井底引銀瓶

引銀瓶中斷絕繩不牢堅易磨滅妾似銀瓶繩似君
偶相倚托無關切日久猜嫌疎漸生一斷難期再重
結斷續憑人豈自由追悔從前衷暗熱却憶相逢道
上時兩心相許輒相隨何須六禮通媒妁竟委終身

更不疑自謂良緣天假合私奔豈顧路人嗤而今始
信應從正易合終須亦易離身輕取棄原無怨只愁
親舊難相見文君漫許解琴心當鑪竟惹相如賤况
復歸來與昔殊臨卣冠蓋爭驚眩寄語從今新寡人
寧老白頭莫自薦

官牛

官牛輓輓轉輪車不向官衙向私衙聞說私衙起樓
閣朝運木石暮泥沙巍巍樓閣連雲起牛存皮骨牧
人嗟官牛原賤無容惜縱使賠償問畜家試語官牛
忍莫喘調和二氣憑元宰牛言二氣不須調但省煩
勞功萬倍昔時第宅今荒萊金屋瓊臺竟何在稍紆
牛力貫人耕救時相業流千載

紫毫筆

紫毫筆吐菁芒寸許光生萬丈長選毫僅得千中一
費盡工心始得良人間豈任輕拈試止許盛筐貢上
方官家愛惜誠無比敕分御史尚書郎御史臺簡飛
霜尚書郎口含香朝朝載筆侍君王猷資潤飾袞須
補不枉隨身佩皂囊天恩自渥原難稱况是求言日

不遑四方水旱曾無紀滿道豺狼却漏章早知有筆
置高閣何必宣城勤貢將從今識得毫無用狡兔休
營三窟藏

隋堤柳

隋堤枯落千條柳挽折疑經宮女手宮女斜拖錦纜
行淮連汴口沿堤走香汗頻揮不得休垂陰假息何
能久偶折柔條寄恨愁啼聲如逐濤聲吼尚報迷樓
醉未醒洛城飛檄急如霆烽燧仁壽塵烟起月暗江
都夜色冥縱留未盡枯株在經幾蕭蕭風雨零同歸

亡國成悲調寧只傷心是後庭

草茫茫

茫茫荒草纍纍塚不知何代遺丘壘丘壘雖平骨尚
埋仍留墓木能成拱薄葬雖云澹素風勝錮重泉矜
異寵驪山陵起何嶒嶸咸陽一破無噍種竟發重泉
欲數屍金珠且任盜分持寧徒白帝難終運且並黃
墟無寸遺霸陵儉德堪千古詔禁無須更益埤至今
憑弔猶狀在揮涕仍同處士碑

古塚狐

妖艷何年古塚狐歲久化作人頭顱頭顱變幻心慧
巧世間迷却幾狂夫目搖心炫人如醉銷爍精魂日
漸枯假狐迷惑猶如此况是真妖那不愚龍熬之後
聞燕啄馬鬼猶同禍水濁寵恩方篤宗社移讒間能
令骨月剝流離滿路正皇皇宮掖癡情尚無覺莫言
孽降盡由天還是人生自傷朴

黑潭龍

黑潭龍何怪孽名號能將神物竊假龍謬作真龍呼
遂疑龍種由來別真龍能爲天上飛豈終潛匿枯潭

穴真龍吐納自成雲忽隨雷電精光掣飛騰變化濶
甘霖豈向人間索祀饗不降禎祥反作殃貪殘何異
豺狼列草澤愚夫走且狂歲時循例犧牲設試問祝
禱竟胡爲競前傳會神奇說投牲沉入深潭中分膏
攘沫任魚鱉眼中誰見黑潭龍出受民供親飴鱉恠
異原從人自生沿成習俗無窮絕饒食之費縱無多
但不應將名號褻安得正直如昌黎一文祭遣常消

滅

天可度

天道雖遙猶可度豈似人心難揣摩人心對面險且
深反覆竟類浮雲薄浮雲起滅尚有時人心險毒如
鋒鏑暗受傷殘不及防漫漫密布虛空廓試問天高
胡可量轉移分秒只尋常更兼二曜昭昭列總是虛
空一片光人心無常尤善變頃刻何止千百方今時
到處多逢此何地安舒可避藏公平若得遵先訓世
路何憂不泰康

秦吉了

秦吉了能人言何事頻將寸舌翻嶺南雖訝殊風土

豢養隨人且戀恩慧心每解主人意聒竇應知不厭
煩縱使鷹鷂旁有何主人密護謹籠樊誰知此鳥殊
瞻顧枉叨粒粟勤朝暮明見群雀在卑簷弱肉忽填
强者嗟不報主人爲擊驅卷舌似亦防嗔怒蹇嘿旣
與凡鳥同不如仍放歸鄉聚

鷓九劍

鷓九鑄劍利如風問九何能擅此工神授疑傳歐冶
子自與凡工技不同鑄時若得鬼神護氣吐精芒遶
赤虹果然龍向延津化確見光隨南斗冲此劍何年

藏不試一割反讓鉛刀利障眼漫空盡霧氛跳梁聚
嘯皆魍魅漫言采比耶溪精漫言拭取華陰臆決斷
無能效廓清良工抱器生長喟

采詩官

休哉古昔采詩官四野民風聚指端但借輶軒懸鐸
使何須獬豸觸邪冠聲歌奏入移天聽政理關通獲
遂安博覽縱推吳季札備觀六樂未云殘采風始自
何年廢實始秦皇喜諛代君門萬里不聞聲欲辨馬
鹿無人對漢唐雖寢復古遺力追風雅終難再祗緣

太師久失官無能撤盡窮簷礙

樂府倚曲

計三十一首唐温庭筠作也並依題擬和

漢皇迎春辭

漢宮春色倍誇妍綵女臨風舞袖翩聞說東郊千仗
列百官歡擁鞞聲傳鶯花縱羨皇都盛嫩柳輕柔更
可憐酒熟瑤缸宜夜宴霞觴爭獻至尊前長安宮闕
連雲起西擁華山東灞水未央日麗曉鐘鳴車騎喧
踏紅塵裏君王有道地靈阿勾芒常享豐年祀恩寵

還愁漸外移東王去任原難恃

夜宴謠

九微光爛掩星輝
簫鼓聲傳人未歸
畫閣青樓堪醉臥
新歌不住遶梁飛
更添嬌艷相偎倚
頓使情傾若流水
永誓同諧老
醉鄉何羨文鴛雙翼比
忽報東方放曙光
歌停燭滅影微茫
百年有盡陰原短
豈儘遊人卜夜長

蓮浦謠

盈盈一碧南湖水
掩映光如明鏡裡
村女連船相向

歌歎息蓮枯惟見子
尚憶花開六月中
芳姿搯拽不勝風
紅粧欲謝誰留得
子落含心苦正同

遐水謠

遐水遙遙遶關塞
選戌年年無替代
陰風忽起捲塵沙
白日無光晝夜晦
秋來但說馬騰肥
誰信征人正忍饑
夜夜聞烽傳遠戍
何曾就卧暫離衣
兼愁水盡重冰結
一任長驅無堵絕
河流萬里漫疑遙
關山咫尺單于穴

曉仙謠

金雞初鳴天垂曙火龍欲整羲和御忽報滄波乍湧
開方知玉女迎歸處玉女乘鸞碧漢遙雲璈移仗引
笙簫露沾仙掌衣猶濕初向璇宮散早朝天家歲月
原無夜遨遊八極皆清暇豈似塵中影逐駒須臾白
首悲長謝

水仙謠

水仙瑩肌映冰雪應知久住瓊瑤穴縹緲臨風洵欲
飛豈同濁滯塵凡結萬里滄江頃刻還終年遊戲在
人間止因性愛臨流濯九日烟波一日山

東峯歌

日掛東峯四望晴萬松震響谷齊鳴山樵習聽時來
往一任蕭疎總不驚更有清泉出幽壑涓涓疑應松
間鶴歸來日已轉峯西回首烟雲滿林薄

罽魚歌

漁舟來往團湖裡漁家生計憑湖水取魚沽酒不須
多提罽歸來歌四起歌聲起應夕陽天嘯卧波流不
計年徵課但求寬寸水鱗頭小獲勝耘田

生禱屏風歌

四明堂
卷一
光生筦簟新璋弄知是熊羆初入夢畫屏取作錦圖
開文毛拂拂雙雛鳳暗引芝蘭透戶香更添玉樹照
琳瑯百男不但誇周瑞忠厚還憑世德長

湘宮人歌

湘水逐東流湘藻迎春綠何獨湘宮人生命偏窮促
惟殺細腰人希恩不顧身只愁空餓死肌玉竟埋塵

太液池歌

建章曉氣侵碧池錦鱗鼓浪乘風吹上接柏梁仙掌
動金光搖漾影參差只疑咫尺三山近天子齋迎正

恐遲蓬壺究竟無消息靈液何曾透點澌

鷄鳴埭歌

南朝宮闕曉陰陰香霧平迷春色深酣夢正愁容易
覺囑鷄莫報隔窗音臨春無異仙房處有意留春春
欲去深院原堪永夜遊何須更放東方曙禁籞沉沉
久不開縱懸宮漏亦停催後庭馬上纒歌歇飛渡軍
聲急似雷方信君王稱有道視朝常警鷄鳴報亡國
荒淫那復存空庭枯木聞鴉噪

雉場歌

四照堂
卷下
春林處處開桃李低低麥隴連山起如雲綵仗蹴金
鞍傳道臨場親射雉文毛繡羽漫相呼圍合千重幾
得逋正待御庖供夜宴望哺豈顧爾春雛山澤由來
聞性介飲餘但啄谿田稗千舞無辭盛世儀不堪饒
唾同齏薤

東郊行

春郊細草青漫漫春水初生欲上灘花鳥親人皆有
意不知何處駐雕鞍鳥漸無聲花減色強欲留春留
不得惟見紅塵上下飛橋邊送客隨南北早知春去
地似含愁

春野行

竟難留何事王孫後漫遊楊柳不堪長贈別枝枝拂
地似含愁
茸茸細草連春野芳堤處處堪馳馬遙見救樓曉不
開夢魂應尚縈長夜安行閨人夢不逃須教陌上送
歸蹄遊人若憶春愁處也自關情滿路萋

吳苑行

雕甍曾倚彩雲開聞是登臨舊日臺除却宮人歌舞
地誰隨鶯燕共飛來亭臺荒落何時閉殘花猶傍枯

枝綴飄拂無由傍綺筵涓涓但逐東流逝

塞寒行

笳聲夜逐西風急鳴鳴斷續如聞泣萬馬驚寒不住
嘶征人時帶冰霜立天子應憐絕漠窮常懸賞爵待
軍功閨中不望封侯貴但願生還白首同

臺城曉朝曲

長江東遶雄都壯鬱葱紫氣浮天上金鎖重封綵仗
迴傳知禁籞朝初散欲引邊情達至尊莫將萬里阻
君門降心叵測原難恃賊子由來慣背恩

走馬樓三更曲

樓懸燈火連星月輝光疑勝蓬萊闕忽聞花裏蹴歌
來知是宸遊猶未歇爲傳玉漏莫頻催御仗纔從馬
上迴宿鳥驚猜全是晝遶林飛去復飛來

春曉曲

好春占盡惟花鳥獨留閨夢深寒悄猶然不讓五更
閒落花啼鳥偏爭曉閨人正在夢酣時魂遇空餘半
晌期尚被無情驚散去一春那刻與人宜

惜春詞

東皇無意收春色風催雨促無停刻纔放晴光僅片
時又苦蹉跎愁事逼尋常屈指計三春樂意相關有
幾辰縱使明年春似舊那期白髮又重新

春愁曲

楊柳含烟低拂水一任春風吹不起何事柔條只解
垂總然同在春愁裡深閨常閉捲簾遲曉鏡雖開不
忍窺忽見垂楊驚欲問却疑有意效顰眉

春洲曲

芳洲水漲漾平沙暖日晴薰杜若花鴛宿雙雙隨浪

穩溪橋轉曲是村家村家有女衣文縠出浣溪邊歸
去獨關情偷看兩鴛鴦步塵緩拽飛花蹴

晚歸曲

霞天紅映西江水岸風習習吹香芷暮烟生處浪花
平移艇驚飛群鷺起江上橋通錦繡城樓臺遙送管
絃聲行人來往方如蟻但羨飛花逐騎輕叅差燈火
連輝照芳罇正待留年少釵鳳啣珠壓髮畝何惜千
金圖一咲誰知高士隱荒廬嘯卧江潭日釣魚蕭散
不關塵世事斜陽歸棹正徐徐

湘東宴曲

盛傳宮宴寵湘東玉盞沉霞照眼紅紛遶筵前歌舞
隊競陳一曲笑春風燈花剪落留深醉妖柔不倦終
宵侍曉露沾衣未覺涼承恩幸有春袍賜月影移堦
色漸荒如泉醞醪已空觴那教好景能常住莫遣雞
人報曙光

照影曲

重樓曉閉駐春暉花映窗紗更覺肥誰信花肥人自
瘦勝愁無力若飄飛偶從溪畔尋芳正驚見愁容宛

在水疑是江潭早有人也因憔悴傷情死

舞衣曲

吳儂白紵光如雪冰蚕細吐腸枯竭更借天孫巧織
成連環方勝千迴結剪破湘江百尺波縫成綵袖稱
宮娥更兼帶引金絲縷彷彿明霞出漢河從來但羨
楚腰細燕飛掌上尤嬌麗若使當年並入宮蛾眉相
妬當誰替世事原歸幻影中笙歌聲歇畫樓空美人
黃土魂銷盡枯樹寒鴟嘯曉風

故城曲

四照堂
卷一
驅車路遶故城西
衰柳含烟拂路低
不見當年遊樂地
惟餘春草尚萋萋
城中舊有樓臺處
主人已改無常據
試問誰專寵
最多香肌化逐飛塵去

蘭塘辭

輕舟搖過橫塘曲
遊鱗躍紫波
澄綠何處吹來滿
澤香蘭芽初放
柔如玉芳佩原堪寄
美人美人居隔在
湘濱濯纓相約隨
漁父寧復情牽世上塵

碌碌詞

採石入山谷
山谷何碌碌
兩磐合一心
雙輪無二軸

男兒營四方
女子禁閨房
所趨雖異向
矢志永無忘
試歷人情變
閃爍如飛電
花落故枝前
幸莫相陵踐

昆明池水辭

叠湧驚濤撼石鯨
怒張鱗甲吼雷聲
旌旗雲簇環崖立
天子臨臺親視兵
南越滇池千萬里
如何移作宮中水
縱有雄威誰得知
誇揚但博須臾喜
詞臣獻議侈開邊
方士投書艷學仙
引得至尊心意亂
紛馳竟悞有生年
茂陵尋覆陰雲黑
荒萊蔓衍亭臺側
騰波彩鷁化飛塵
那識長楊舊春色

獵騎辭

郊屯萬馬隊如雲
草淺沙平兔起紛
弓燥手柔兼得
稱仰天一發落
鷗羣獵回奏向承恩
殿首勞將軍賜
寵宴何人同力肆
郊原重閣終隔君王面

樂府雜詠六首

用唐陸龜蒙題

雙吹管

枯竹亦何情
尺寸憑裁斷
吹來苦調同
偏引離人歎

東飛鳧

寄得雙鳧去
鳧東人自西
禽鳥雖輕賤
輸他並翼栖

花成子

花開不自王
榮瘁逐時移
艷色如常在
何憂作棄枝

月成茲

明月若常圓
只作尋常玩
光從缺後生
塵眼疑新換

孤獨怨

君方事遠征
妾亦甘孤宿
寧羈夢裡身
不向邊庭逐

金吾子

金吾生貴驕
性習成輕薄
妾心定不移
重比丘山托

正樂府

正樂府共十首唐皮日休作詞寓悲傷意存雅
正不失風人訓戒之遺並依題以和惟頌葵臣
一篇已見前不復作

卒妻怨

從戎苦征戰軀命委疆場妻子日悲啼尚望歸故鄉
誰知血化燐游魂入渺茫偶傳朔方信全師盡沒傷
始悲良人骸又作沙草僵伶仃失所依哀哀泣道旁
猶冀施國郵歲賜升斗糧詎料戶籍中尚不除死亡
按丁索逋稅責以并力償孩幼鬻無售哭泣牽衣裳
凍餓豈能存終亦歸天殤無子母徒寡殘生疇與匡
號聲連比屋白日俱成荒

橡媪歎

非無田中稻新穫不繼陳非無丘中麻織布不蔽身
一年婦子力竭盡輸官銀笑笑兩叟媪饑餓輒經旬
叟卧待朝曝媪起及清晨持筐趨林藪爭採橡與榛
殘落已在地尋覓費苦辛日昃始盈筐腰僂不得伸
携歸用凹搗羨和野藿勻食取聊充口澁味安足噍
蕭蕭村落中盡皆菜色民不經親問勞寧知終歲貧

貪官怨

策名仕籍中始進須由正鸞鳳與鷹鷂生原不同性
未讀古人書寧顧聲名令聖朝廣用才冒濫滋營競
不問入身途漫使學製政奔逐旣如蠅貪饕亦類獍
居然臨大官恣意逞驕橫援結裕有資永固祿寵盛
壅蔽莫上聞閭閻徒耗病母寧有盜臣烟戒垂先聖
願言告天子幸念斯民命焉得奮雷霆一剔銓途淨

農父謠

農夫終歲耘未足漕艘供玉粒充天廩精鑿倍加春

秋稻猶在場長官已頒封呼聲急如雷新令定在冬
黃河正冰凍前途尚苦壅催科何太迫頃刻無寬容
蜿蜒數千里連檣類蠓從洵如登天難何止歷萬重
四海皆王土義宜輸上饗不堪虛耗竭御進寧幾鍾
吁嗟東南隅頻年遘閔凶安得寬舒詔暫省此方農
路臣恨

馳驅服周道勞爲王事將猝逢兜鍪旅呼叱聲如狂
從人背錦標高馬弓插囊盛氣不可逼倉卒避蹊傍
聖朝雖重武原重守封疆豈恣爾強勢怒吼若豺狼

四照堂
卷一
偶然過村店驚走皆皇皇我亦同王臣詎甘屈爾行
但苦九閭隔未見此鴟張歲耗千百萬銖粒何曾償
天威不可測傾折亦宜防讀古賢將傳謙抑獨稱良

賤貢士

方貢首人材珍非尋常比辭吐若珠玉胸蟠盡文綺
對策丹陛時改容動天子登用不敢褻貴同宗廟簋
何今弟子員兀首治經史及當入貢期眉蒼齒脫毀
四壁立蕭然趾露敝革履踉蹌走京華憔悴風塵軌
寒邸守經年不得微微仕囊空無力歸自分窮途死

聖朝德政新會降疏壅肯九十老伏生原從博士起
囑爾莫咨嗟有志無終靡困守不須時天恩自單被
縱無方州任應授師儒几士不甘自賤人豈能賤士

惜義鳥

義鳥雖分巢交哺兩不疑一鳥偶遭捕甘投同網罹
安危相與顧天性類有知商顏所獨產取克方貢奇
乘傳送殿前護用文綺披宮人殊愛惜飼以香稻粢
鳥意殊不樂眷言懷故枝聖化若鳥獸山澤各有宜
珍異悉屏却羅網原寬施矧茲以義名寧堪獨久羈

四照堂
卷一
重
縱以九霄翮蒼莽隨所之

誚虛罨

聖朝通外款本不貴希珍禮義御遐遠推懷惟一真
如何設虛罨給彼疑爲神我用智巧遇彼亦機械陳
相尚各以詐內附無終親史載髹器作勦始襄陽民
今世雖無此濫觴宜早湮王道自坦坦萬國永來賓

哀隴民

鸚鵡產隴西巢托高巖峻自詡絕人間蕭然在手仞
祇因慧舌多兼以文毛潤取市遠方人千錢殊不悞

隴民爭得錢不惜以身殉惡欲攫其雛攀蘿循序進
未及近鳥巢身墜污泥殪千百一幸存爲利亦希僅
危言戒土民相嬉不見信掉臂入深山狂走如飛迅
微利苟在前何惜冒鋒刃世多隴民愚義命鮮安順

經世文編卷之四十五

